

新  
語  
林

孝  
督

# 新語林目錄

## 卷一

德行……

## 卷二

言語 政事……

## 卷三

文學 方正 雅量……

## 卷四

識鑒 賞譽 品藻 規箴……

卷五

撻悟 夙慧 豪爽 容止 自新……

卷六

企羨 傷逝 濼逸 賢媛 術解……

卷七

巧藝 寵禮 任誕 簡傲 排調 輕詆……

卷八

假譎 黜免 儉嗇 汰侈 忿狷 讒險 尤悔  
鞿陋 或溺 仇隙……

# 新語林卷三

文學

王壬甫。文名滿天下。一時俊彥之好學者。咸折節下之。爲文導原莊賈。騁麗追步顏庾。詩歌逼近韓杜。沈著閒雅。中露英爽之氣。

壬名蘭運。湖南湘潭人。舉人。嘗館于嶺南崇恩所。參會網藩戎幕。落落無所合。出其所學以授門徒。曆長成部尊親書院。長沙校經書院。衡州船山書院。夏時撫贛。辟長幕僚。兼大學校總教習。宣統間。湘撫岑春煊以所著諸書奏開。得旨賜翰林院檢討。督侍讀。入民國任國史館館長。著湘綺樓全集。湘軍志論語箋。尚書箋。禮記箋。春秋公羊箋等書。

樊樊山才思敏捷。下筆千言。其師張之洞七十誕辰。樊盡一日夜之力。撰駢文二千餘言。壽之。有句曰。不嘉其謀事之智。而責其成事之遲。不諒其生財之難。而責其用財之易。張閱至此。段。掀髯笑曰。二百年來無此作。

樊號叔。

梁節齋與吳補松至相契。尺箋通問不絕。梁曰。雪屋孤臣。此心千里。何日良晤。董與論文。

梁吳俱見前。

柯鳳孫淹賅蒙古事蹟。指陳得失。洞中肯綮。重撰元史二百五十七卷。自謂不遺一事。不妄一言。

柯見前。

王益吾博通羣籍。著述自娛。法阮元編續清經解。倣姚鼐輯續古文詞類纂。王湘綺過其廬。並取而讀之。曰。經解雖不能抗行芸臺。類纂或足以比肩惜抱。王大樂。

王名先。湖南長沙人。翰林。授編修。歷官國子監祭酒。督江蘇學政。晉內閣學士。

王見前。

繆筱山博通羣籍。貫澈源流。金石目錄之學。冠絕海內。

繆名荃。孫江蘇江陰人。翰林。授編修。擢四品京堂。充學部圖書館館長。著有藝風叢書。

朱漚尹澹泊寡營。逍遙物外。工倚聲。其詞鎔鑄藻采。沈麗俊邁。造端微茫。而恰得其分際。自成一家之言。半塘老人謂爲六百年來真得夢窓神髓者。其傾倒如此。

朱見前。

馬通伯姚叔節皆淵雅淹博論者謂馬追惜抱姚法望溪。

馬名其親安徽桐城人舉人官學部主事入民國爲參政院參政著述甚富姚名永概安徽桐城人舉人著有懷宜軒詩文集。

楊惺吾淹通宏博善考證精鑒別尤擅輿地金石目錄繫海內外之望歸然爲東南大師著書數百卷晚成水經注疏一書尤竭畢生之力羅叔蘊推其糾正全氏趙氏戴氏之失創獲真諦當爲千載上下絕業聞者以爲然楊亦據以自憲。

楊名守敬湖北宜都人舉人授黃岡縣教諭調黃州府學教授張文襄督湖廣欽其賢聘爲兩湖書院及存古勸成兩學堂教習通志局編纂舉經濟特科選授霍山縣知縣不赴以內閣中書用嘗隨駐日欽使黎庶昌至東京備維新伊始其國人唾棄廢學書遂以賤價得之連船滿載而歸日人悟引爲恨事厥後日人島田彥植以十萬元購歸安陸氏爾宋樓藏書價值數十萬金作爾宋樓藏書源流考猶述其往事以爲此舉聊足報復甲寅十一月卒年七十六著有水經圖水經注楷法溯源歷代地理沿革圖隋書地理志禹貢本義日本訪書志續補寰宇訪碑錄叢書舉要留真譜錢錄未刊者不可勝紀羅名振玉浙江上虞人進士授主事工考據之學。

沈寐叟研精古學。究心佛典。爲文恢麗瓌瑰。題跋諸作。言人所不能言。發人所未盡發。瞿子玖曰。秀州文士。前有朱竹垞。後有沈子培。

沈見前。

瞿名鴻禧。湖南長沙人。辛未翰林。授編修。出督河南。江蘇。浙江。四川。學政。任廣西。福建。鄉試正考官。由刑部左侍郎。移外務部尚書。兼軍機大臣。晉協辦大學士。素與岑春煊相善。岑以饒直揭奕劻等罪。惡爲奕劻所惡。嗾御史彈劾之。罷去。入民國。授參政院參政。不起。

沈子惇創設法律學校於京師。育才逾千人。其有異者。獎成倍切。教習學生有所質疑。爲文以答。娓娓萬言。讀者歎服。

沈見前。

馮夢華淹通經史。所爲詩文。宛絮峭麗。情藻兼盡。年臻耄耋。猶好學。寒宵暑日。吟唔弗輟。

馮名煦。江蘇金壇人。丙戌探花。授編修。簡授安徽鳳陽府知府。擢鳳嶺六泗道。陟四川按察使。督安徽布政使。巡撫恩銘被道員徐錫麟刺死。遂繼其任。入民國。政府命督辦江滙服務。江蘇省長聘修江蘇省志。馮曰。辦賑所以救災。黎修志所以保文。獻子皆不能辭也。

曹君直學問淹博。文章爾雅。精於鑒別古籍。家藏宋元本書籍極多。四方名人。

時以善本請鑒定。君直考其源流。別其支派。爬梳剔抉。撰爲題跋。每一篇出。士林爭傳鈔之。

曹名元忠。江蘇吳縣人。舉人。內閣中書。

陳伯潛。博學多才藝。一時名聲滿宇內。被吏議。家居二十年。四方士大夫航海入閩者。必造其廬。飲酒賦詩。流連不忍去。

陳名寶琛。福建閩縣人。戊辰翰林。授編修。歷官內閣學士。任江西學政。因事降調去。隱居二十年。再起授內閣學士。兼禮部侍郎銜。外簡山西巡撫。未之任。開缺。以侍郎候補。充宣統師傅。著強菴詩集。

陳叔伊。工詩。獨關蹊逕。句多險刻。淹有眉山象山之長。在都日文酒之讌。無虛夕。後進如梁衆異。朱芷青。黃秋岳。皆入贊其門。

陳名衍。福建閩縣人。舉人。與鄭孝胥友善。鄭嘗薦于張之洞。遂入鄂督幕。旋補授學部主事。乃居京師。兼主講大學文科。入民國。任福建修志局總纂。著有石遺室叢書百卷。  
梁朱俱見前。  
黃名游。福建閩縣人。京師譯學館畢業。任財政部秘書。移僉事。

沈愛蒼。有左癖。作詩文。未有不撻擻及之者。以外則施注之合注蘇詩。圈點數遍。動以自隨。古體詩才筆自喜。雖用蘇法。亦不盡然。往往序長於詩。與梧溪集。

石初集玉筍集相彷彿

沈名瑜。慶福。建閩縣人。舉人。沈文肅之子。由道員累官至貴州巡撫。著有壽園集。按梧溪集。係元末王遂著。石初集。周雲震著。玉筍集。張憲著。

鄭蘇戡。以詩名於世。三十以前。專攻五古。規橐大謝。浸淫柳州。洗鍊東野。沈摯之思。廉悍之筆。一時殆無與抗爭。三十以後。肆力七言。自謂爲吳融。韓偓。唐彥謙。梅聖俞。王荊公。而多與荊公相近。

鄭名孝。汧。福建閩縣人。壬午舉人。以知縣佐張文襄幕。累保至道員。擢四品京堂。充廣西邊防督辦。旋授廣東按察使。未之官。擢湖南布政使。國變後。謫書海上。歲入數千金。著海藏樓詩集等書。

林畏廬。工古文辭。沈酣班韓者三十年。所作兼有柏枻。梓湖之長。陳石遺謂其於陰柔一道。下過苦功。

林陳俱見前。

陳伯嚴。詩學宋人。鎔鑄萬有。氣象雄渾。意境沈著。有黃河奔流千里一曲之概。陳名三。立。江西義寧人。以進士官吏部主事。戊戌政變。其父資議方撫湘。并革職。永不叙用。家於金陵。日與端方之流。評品書畫。端將具疏復其官。陳聞而學辭。高潔匪人可及矣。

張齋菴。瀟懿簡素。有曠世之度。以文章書法名於世。論者謂其書神似劉石菴。詩亦雄放俊峭。肖其爲人。

張見前。

桂伯華。沈酣內典。妙悟三乘。貞志泊如。不婚不宦。久居扶桑。研求梵文精義。以拯國。肫誠篤摯。先天下之憂而憂。

柱名念祖。江西九江人。著有佛學教科書。其詩能得意忘言。和友一律云。詩心淡後無奇句。世事談多有淚痕。與子細尋無味味。共余相喻不言言。常來彌勒終生世。過去巫咸尙理寬。試把十方三際看。鍊渾倫亦不須吞。

曾重伯。生有異稟。博覽羣籍。於世界各宗教學。派莫不精研貫澈。有時託之吟詠。徵言妙諦。廻出人表。

曾名廣鈞。湖南湘鄉人。由翰林出守廣西。著有軀菴詩存。

湯轅仙。工駢散文。在青陽縣任。條陳整頓兩淮釐務。娓娓數萬言。無不盡之懷。上閱竟。動容詔授兩淮鹽運使。湯堅辭。陳伯嚴以詩寄之曰。飛書萬行淚。却聘五湖船。

游陳俱見前。

胡子方自號詩廬。詩以外無他嗜好。日把其新舊詩稿如束筭。詣所知數里外。商量不勌。嘗爲人羈使觀劇。自午至酉。萬聲闐咽。中攢眉搜腸。成五言古一篇。

胡名朝梁。江西沿山人。官主事。

楊杏城與樊樊山交甚摯。嘗問樊曰。余詩於古人奚似。樊曰。自具一種綽約之態。殊肖玉谿。此意外人那得知。則亦以爲似某某也。

楊樊俱見前。

狄平子工詩。有句云。晨昏大生死。萍絮小滄桑。桂伯華嘗嗜誦之。謂得禪中味。

狄桂俱見前。

廖季平爲文古樸。所著公羊論。與其師王湘綺公羊箋。陳義多不侔。湘綺對季平曰。睹君此作。吾媿弗如。

廖名平。四川井研人。進士。以知縣即用。自謂才不勝百里。請改教諭。遷授綏定府教授。嘗分校廣雅書院。經書院。著有公羊論。穀梁義疏。周禮考論。語微等書。

秦晦鳴以所著駢文一冊示陳衍。陳曰。可方石笥山房。秦曰。詎止此耶。陳曰。唐

四傑何如。

奏見前。

易中實少負奇才。得名最早。八歲能詩文。十五通羣書。張之洞開府武昌。延入幕。一日會於黃鶴樓。至者有梁鼎芬。鄭孝胥。黃紹基。陳衍諸人。易年最少。援筆賦詩。須臾而成。徧眎四座。諸客橋舌不下。

易見前。

劉申叔爲文百篇。以眎王闈運。王曰。非但爲人所不能闡發。即索解人亦正不易得。申叔狂喜。

劉見前。

宋芸子作秦西采風記成。以示張文達。文達曰。不獨文字詳贍。更見歐美諸巨邦之政蹟民俗。一時紙貴洛陽。

宋名育仁。四川富順人。戊戌翰林。授檢討。充廣西鄉試副考官。無錫薛福成奉命使英。奏調爲參贊。返國後。朝貴交薦其賢。無所成就。乃主講城都尊經書院。湖北巡撫譚繼洵疏薦其才。堪出使。方抵京師。適政變禍作。遂以道員改官鄂省。未二月。卽充宜昌厘稅總辦。夏時撫贛。以王湘綺之薦。夏乃調之贛。

充編元局總辦。嗣以郵傳部尚書張百熙疏薦。以參議記名簡用。入民國。湘綺總裁國史館。任爲纂修。育仁著論主張復辟。輿論駭異。

章太炎。學術文章。海內稱最。針砭政治之文。深切峻厲。讀者拍案叫絕。

章見前

王書衡。文若孫淵如。詩似蔣蒼生。清言雅韻。蜚聲一時。

王名式。通山西汾陽人。戊戌翰林。歷官至大理院民科推丞。民國三年。授政事堂機要局局長。五年。補國務院參議。六年。任水利局副總裁。

孫師鄭。工駢體文。典麗綺藻。中有簡靜肅穆之氣。論者謂合洪稚存袁簡齋爲一手。

孫名雄。江蘇常熟人。進士。吏部主事。師其鄉翁文恭。嘗爲北京大學文科教習。著有詩文集。並纂輯近賢詩二百家。

沈寐叟。陳石遺。言詩。沈曰。余夙喜山谷。陳曰。君愛艱深。薄平易。則山谷不如宛陵。沈乃向陳借宛陵詩。亟讀之。陳並舉殘本爲贈。

沈陳俱見前

鄭太夷。稚辛兄弟。都工詩。太夷精悍。稚辛婉約。

鄭見前。

鄭名孝經。舉人。江蘇知縣。入民國。爲安徽政務廳長。

楊昫谷。官白下。塊然獨處。如苦行僧。終歲苦吟。有作必以眎陳衍。趙熙。

楊名增。華江西新建人。由主事改官知府。分四川。民國三年任參政院秘書。六年任司法部秘書。

饒石頑。博綜廣聞。歌詠弗輟。能以少許勝人多許。嘗爲頤和園辭。以誌哀。極似

元微之建昌宮詞。

總名智元。湖南長沙人。舉人。官京曹。旋以道員需次陝西。端方督兩江。奏派爲歐州留學生監督。民國三年。上書政府。有散兵屯田之請。遭時疑忌。竟罹傾身之禍。聞者冤之。著有湘豫館詩。未梓行。已梓者有十國雜事詩。全明宮詞二種。

易寅村。究心學問。結廬白沙泉畔。閉戶讀書。精校刊之學。校定經典五十種。少肄業兩湖書院。著論糾正王氏公羊箋之誤。楊惺吾奇賞之。有大著槌碎湘綺樓語。

易名培。基湖南長沙人。著有清史例目糾誤。訂正繆筱山之失。頗多是處。其文載甲寅雜誌。

楊

陳石遺。久居都門。相從爲詩者數十人。陳曰。討論之契。無如趙堯生。陳仁先。進學之猛。無如羅揆東。梁衆異。黃秋岳。

陳見前。

趙名騏。四川榮縣人。翰林官。細史以直諫罷去。自此不復出。

陳名會。壽。湖北新

水人。癸卯進士官學部員外郎。

梁見前。

羅名惇。廣東順德人。郵傳部郎中。嘗爲北京

大學堂教習。

黃見前。

黃任之。嘗漫遊國內外。考察教育。爲記累百萬言。溥直隸教育廳長而不爲。或問曰。君素熱心教育。一旦作官。遇事當無阻。奈何棄之。黃曰。官受制。駑駘不克勝任。不如以平民傳教育。

黃名炎。培。江蘇川沙人。舉人。久任江蘇教育會正副會長。民國初元。任江蘇教育司長。旋爲江蘇省議員。組織職業學校於上海。提倡實用教育。頗着成效。

康南海。作不忍雜誌。文氣浩瀚。詞旨悲壯。唐士行嘗手一篇。曰。斯真老成金玉之音。

康見前。

唐名瑞。獨。貴州息烽人。爲故雲南巡撫唐炯之孫。壬寅進士。授度支部員外郎。擢加四

品卿銜。充河南財政正監理官。入民國。任中國銀行總辦。旋被舉爲衆議院議員。國會解散後。充重慶

中國銀行行長。梁啓超長財政部。調爲參事。外任吉林財政廳廳長。

梁任公。閱覽博聞。於書無所不通。文才縱橫。有過人之識。無不盡之言。

梁見前。

黃季剛。少承父學。讀書多神悟。尤善音韻。文辭澹雅。章太炎曰。季剛清通練要之學。幼眇安雅之辭。並世難得其比。

黃見前。

嚴又陵。貫通中外。所譯天演論。原富名學。諸書。文筆雅馴。罕有其匹。

嚴名復。福建閩縣人。留歐海軍大學畢業。歷充福州船政學校。烟台海軍學校教習。以道員指分直隸。政府以其精深文學。授爲文科進士。充北京大學教習。載洵奉命赴歐美考察海軍。以復爲海軍宿學。欲擊之偕行。復以病辭。民國授海軍少將。任參政院參政。楊度發起籌安會。復亦列名。世稱籌安六君子。復其一也。譯著羣學肄言。羣己權界論。社會通詮。孟德斯鳩法意。政治講義諸書。

章一山。學宗實齋。嘗對人曰。予讀書四十年。方知名節足以保身。

章名授。浙江寧海人。甲辰進士。授翰林院檢討。其姻家朱啓鈴爲項城所寵信。權傾一時。屢薦其賢。項城三徵之不起。

鄭叔問偃蹇江海。僑寄吳門。嘗以詩易得漢鶴。翅足碩異。一日王湘綺顧訪。謂有太白巢大匡。養奇禽之風。爲題大鶴榜所居。因自號大鶴仙人。

鄭名文煒。廣東南漢人。舉人。官內閣中書。著詞源韻律。冷紅比竹餘音諸集。

王見前。

李審晉。博學工詞翰。平生楷模汪中。嘗曰。容甫比於孝標。固已不逮。余於容甫。又愈下焉。

李名詳。江蘇興化人。著有詩文集。

吳綱齋。隱居珂鄉。閉戶著述。成晉書辭注十二卷。旁搜博考。爲例凡十一。曰。溯源。二曰。摭逸。三曰。辨例。四曰。正誤。五曰。削繁。六曰。考異。七曰。表微。八曰。補闕。九曰。廣證。十曰。存疑。自言不敢謂乙部之功臣。或竊附唐人之誨友。

吳名士鑑。浙江杭縣人。壬辰以一甲第二名授翰林院編修。遷侍讀。南書房行走。外督江西學政。著有清宮詞。一時傳誦。

陳子言與俞格士。爲文字骨肉。屏絕世務。冥心孤往。一意苦吟。人稱爲今之賈

閻仙。李才江。

陳名詩。安徽廬江人。

俞見前。

夏劍丞。克嗣家學。工詩詞。詩格規撫孟郊。詞則奄有清真夢窗之長。論者謂文  
廷式而後。劍丞可據西江一席矣。

夏名敬觀。江西新建人。甲午舉人。以知府指分江蘇。居蘇撫陳啓泰幕。充復旦公學中國公學監督。權  
江蘇提學使。入民國爲工商部秘書。浙江教育廳長。著有映菴詞。

徐仲可。品節高尚。不求聞達。工填詞。成純飛館詞。况夔生讀之曰。秀不在句而  
在骨。密不在字而在意。世人以枯淡之筆。自命白石。以餽飭之辭。自命夢窗者。  
知此可以返矣。

徐名珂。浙江杭縣人。舉人。袁項城練兵小站。參與戎幕。鬱鬱不得志而去。老而備筆於海上。並其女新  
華所爲文。彙印天蘇閣叢刊一集。嘗曰。婦女之天足。較弓足爲美。因博稽載籍。參證見聞。著天足考略。  
且爲天蘇閣娛晚圖。以眎吳縣湯寶榮湯撰文以張之。子名新六。留學英法。歸國應試。列超等第一。  
授財政部僉事。 况見前。

勞勞山曰。沈子培。文淵雅。子封文蕪。雜。

勞見前。 子培見前。 子封。名會桐。浙江嘉興人。翰林院編修。外簡廣西提學使。移雲南提  
法使。未之官。乞病退。

傅沅叔敏而好學。日走書肆搜索古籍。不吝鉅金以購之。晝夜披閱。必終卷乃止。

傅名增湘。四川江安人。翰林。授編修。任貴州學政。繼改官道員。充直隸學務局總辦。袁項城督北洋。器其才。派往日本考察學務。差竣還國。授直隸提學使。入民國。任肅政史。旋任教育總長。

蕩竹莊嗜山水。徧遊海內諸名勝。每遊輒有記。傅蘆菴見之。曰：此記描寫都盡。令人讀之彷彿親歷其境。

蔣名維喬。江蘇武進人。久任商務印書館編輯。成績斐然。民國元年。任教育部司長。逾年辭職。旋復任教育部參事。傅見前。

王靜菴淹貫經史。文采斐然。小詞單文。令人眉飛色舞。

王名國維。浙江海鹽人。以諸生遊學日本。通英日兩國文。善音韻。著宋元戲曲史。靜菴文集。

章行巖。丁佛言。都善作政論。或問湯濟武二人優劣。湯曰：重事實。談法理。其旨無大異。而眼光不同。

章名士釗。湖南陽沙人。學於日英兩國。嘗爲吳報主筆。幾被逮。自倫敦歸國未久。適國變。任民立報主筆。放言高論。大博社會之信。旋與江都王先生組織獨立週報。專論法理。尤爲學者所稱許。浙督朱瑞

震其名。薦爲教育司長。辭不赴。已而被任爲北京大學校校長。內阻力亦未克就職。丙辰之役。岑春煊攝西南軍務院軍長。任爲秘書長。大局統一。遞補參議院議員。丁名世。嶧山東黃縣人。留學

日本。歸國充山東諮議局議員。入民國。被舉爲參議院議員。進步黨設中華雜誌。被推爲總編輯。黃陂正總統位。任爲公府秘書長。湯名化。龍湖北蕪水人。辛丑進士。官法部主事。留學日本。習法政。歸國。適湖北諮議局成立。被舉爲議長。辛亥武漢軍興。衆推爲政事部長。未幾乞退。聯合各省諮議局議長。議員組織共和建設討論會於上海。附之者如直隸之孫洪伊。山西之梁善濟。福建之劉崇佑。林長民。江西之謝遠涵。浙江之陳敵宸等。皆諮議局中人也。逾年改組民主黨。時已由臨參副議長被舉爲衆議院議長。以人少勢弱。遂與統一共和兩黨合併。改稱曰進步黨。黎黃陂爲理事長。而與梁啓超張謇等同爲理事。項城利用之。以與國民黨相抗。癸丑國會解散。被命爲教育總長。丙辰國會恢復。仍任議長。丁巳復辟亂平。以贊助段祺瑞討亂功。得任內務總長。下野後。遠遊歐美。方偕鄉人自酒樓出。突被人狙擊斃命。

汪孝農。固文士。以事憤而爲優伶。樊雲門愛其歌。嘗召之至。歌畢。樊曰。能詩鐘不。汪曰。素樂爲之。但不工耳。樊曰。八股東三省分詠格。姑試爲之。汪略一沈吟。書曰。能使英雄皆入彀。可憐帝子已無家。樊大賞之。曰。佳作。佳作。

汪名儼。安徽人。初以明經膺鄉選。大挑用知縣。因事褫職。汪本風流文學士。夙善歌。至是喪資失官。無

所僂。途伍伶人。登場作傀儡。其所至奏藝處。殆無不傾座歡迎者。其擅長劇。曰黨人碑。哭祖廟。馬前灘。水黨人碑。乃自編。尤有聲有色。樊見前。

己酉。柳亞子創南社於滬。以研究文學爲宗旨。寧太一。高吹萬。高天梅。陳巢南。龐鏡子。諸貞壯。汪精衛。黃晦聞。陳漢元。景太昭。邵次公。宋漁父。李印泉。張蔚西。姚鵷。汪蘭皋。程韻蓀。諸人相繼入社。所作文辭詩歌。激昂慷慨。刊成巨帙。讀者翕稱。

柳名乘。疾。江蘇吳江人。伶人馮春航年少色艷。善演血淚碑。柳溺之。爲刺春航集。寧名調元。湖南醴陵人。以實行革命久。錮長沙獄。既脫。走北京。任帝國日報主筆。共和後。參湘督譚延闓戎幕。遇害於武昌。高名愛。江蘇松江人。高名旭。江蘇松江人。陳名去病。江蘇吳江人。

名樹柏。江蘇常熟人。諸名宗元。浙江紹興人。舉人。汪見前。黃名節。廣東順德人。

任衆議院議員。陳名家鼎。湖南寧鄉人。居日本時與宋教仁並有聲於同盟會。屢次遇險而不死。治民國成立。景名耀。月山西人。任衆議院議員。仰名瑞。彭浙江淳安人。衆議院議員。

辭職。就衆議院議員。丙辰之役。西南諸省組軍務院於肇慶。被推爲副都參謀。以岑春煊薦。任陝西省長。張見前。宋見前。李名根。源雲南騰越人。日本士官學校畢業生。歷官統帶。入民國爲雲南第一師師長。姚名錫鈞。江蘇松江人。學於北京大學。師事林紆。頗能爲小說家言。著燕巖等絃錄。

等篇。

汪名文。江蘇武進人。

程名家。安徽人。

方正

韓王欲得竄項城。治師旅。親造吳長慶將軍營。求借之。拜爲上將。非得請不去。竄在外聞之。遣書吳曰。某幼讀父書。粗知大義。委贖事君。祇知其一。韓爲藩屬。分孝立國。某頭可斷。陪臣必不可爲。吳席前啟視。據以謝王。

竄見前。

密丹階。爲山西徐溝縣知縣。兩宮西狩。岑雲階爲前導。以事厲聲叱責之。密恚曰。公挾萬乘之威。凌侮卑官。吾果失政。吾官可罷。吾頭可斷。惡聲吾弗承也。岑默然。

密名昌。湖北夏口人。以進士授山西徐溝縣知縣。調署平定州知州。

岑見前。

楊味春。官御史。巡視西城。貝勒某方裸溺於塗。楊叱曰。何物狂奴。敢如是惡作劇。耶呼從。弁笞之。弁素識貝勒。遽巡未敢下手。遂以實陳。楊佯曰。天潢貴胄。寧不知此有干法紀耶。必冒名避禍者。當倍撻之。弁乃置貝勒於地。笞而後釋焉。  
楊見前。

王湘綺性彊直。人靡不憚之。羣相語曰。見湘綺。畏其嚴責人。既歿。又思之弗止。王見前。

俞戾軒藏金石書畫至夥。客不時過從。上下議論。日久而苦之。或問故。俞曰。若輩借此通賄賂。求聞達。巧取豪奪。恬不爲怪。近之必被害。當思所以遠之之法。俞名廉。三浙江紹興人。由佐貳歷官至湖南巡撫。移山西巡撫。未之官。授倉場侍郎。

錫清弼守正不阿。廉介自持。爲疆吏十餘年。未嘗餽賂權要。子孟博。頗有父風。錫名良。蒙古人。甲戌進士。以知縣分發山西。巡撫張之洞薦諸朝。授知府。擢山東曹堯沂道。三遷爲山西巡撫。晉河道總督。裁缺。授河南巡撫。移熱河都統。擢四川總督。歷任雲貴及東三省總督。入民國。授參政院參政。不就。其子孟博名斌。循直。隸道員。與張錫鑾許世英交彌篤。張許先後任奉天省長。屢勸其出山。孟博誓死不從。

柯遜菴巡撫廣西時。總督兩粵者岑春煊。以勦匪駐節桂林。聚優孟歌舞。累月不息。柯惡之。駭諸伶出境。岑怒。遣人詰其故。柯正色曰。雲階躬膺兼圻。治匪不遑。奈何沉酣歌舞中。子爲我善達。若以此舉爲不當。則巡撫固可聽劾也。

柯名逢時。湖北武昌人。翰林。授編修。外督陝西學政。還朝。授雲南迤南道。擢兩淮鹽運使。權江寧布政

使。晉江西巡撫。移廣西。開缺。以侍郎候補。充督辦。齊捐大臣。有人誕是差。腹。謀於奕。奕。奕。奕。力。之。爲。浙。江。巡。撫。曹。下。柯。固。辭。不。准。仍。令。兼。齊。捐。原。差。命。速。之。官。柯。仍。辭。即。改。任。馮。汝。駉。癸。丑。卒。于。家。  
周孝懷。監督廣東武備學校。純以軍法部勒。全校肅然。鑿時以往。出入有禁。總辦李觀峯。營金屋於外。夜深必啟鑰私歸。周夙審之一夕。俟之暗隙。李出。尾其後。疾聲曰。總辦逃矣。李悚然歸室。噤莫能語。

周名善培。浙江紹興人。副榜。留日習法政。岑春煊督粵。任爲高等巡警學校總教習。擢武備學校監督。積勞保道員。錫良督蜀。調之往。趙爾巽尤盛稱其才。授四川勸業道。權提法使。入民國。授川東道尹。不起。主筆北京亞細亞報。爲文娓娓動聽。  
李名漢陽。四川華陽人。以道員指分廣東。歷任要差。入民國爲參政院參政。

那琴軒母壽。召三枝名手。王正如彈風流。餽口。王曰。此不祥之詞。奈何。壽太夫人乎。那瞿然曰。微子言。吾念不及此。王出謂人曰。那中堂不孝人也。母壽而樂聞不祥之聲。自是躉召不復往。

那名桐。滿州人。進士。授主事。累官兵部侍郎。擢外務部尚書。歷任協辦大學士。陟東閣大學士。軍機大臣。內閣協理大臣。  
王名玉。峯。京兆人。詳見巧藝門。

長壽伯篤守禮法。一子教之嚴。每閱書必令侍立於旁。有欣賞處令手錄。有析疑處輒指示。偶有僚屬餽公子玉帶者。壽伯見其束帶曰。此何來。解以俾我。立捶碎之。怒斥之曰。爾父爲官數十年。未嘗有此。爾奈何束之。

長名庚。滿州人。以道員累官至西藏大臣。調伊犁將軍。陟陝甘總督。

陶拙存。性行敦樸。居恒端坐一室。鐵日讀書無怠容。聲色貨利。徹逐游觀之樂。去之若浼。布衣蔬食。怡然自得。

陶名葆。廉浙江嘉興人。以蔭生爲兵部員外郎。擢郎中。兵部改陸軍部。擢參議。

趙彥復。官刑曹。勸獄必盡心。不以權貴之囑託。而曲法以出人。人旣又上萬言書。言時事朝政。多他人所諱言者。大僚抑不達。遂辭官歸。不肯默以求容。

吳名葆。初安徽廬江人。舉人。官刑部主事。

宣統遜位。張安圃甚哀感。涕泗滿襟。及項城僧號。幾失聲而哭。朱經田勸止之。張曰。公爲民國疆吏。余乃清室故官。喜憂不同。啼笑自異。朱大窘。

張名人。號直隸豐潤人。戊辰翰林。授編修。外任四川鄉試正考官。還朝補監察御史。大計卓異。記名以道府簡用。放陝西陝安道。陟按察使。擢山西布政使。再擢河南巡撫。三擢兩廣總督。移兩江總督兼廣

洋大臣受事後。大反端方所爲。曰。午橋驚虛名。不重實際。耗國帑。無裨政事。吾不敢隨其後而行之也。  
朱名家寶雲南寧縣人。壬辰翰林散館。選直隸知縣。晉知府。歷天津保定府知府。清河河道。未之官。遷按察使。東三省新官制實行。破格超擢爲吉林巡撫。晉直督。表世凱疏薦其才堪任疆圉也。未幾移安徽巡撫。辛亥棄城遁之京師。授倉場侍郎。共和政府統一。被舉爲參議院議員。二年冬。直隸都督趙秉鈞暴卒。項城令繼其任。已而授巡按使。加將軍銜。兼督理直隸軍務。黃陂正位。以直隸督軍任曹錕。以家寶專任省長。丁巳與謀復辟敗退。

蔣竹莊。官教育部參事。一日以公事請示堂官。堂官曰。是不可行。蔣力爭。堂官曰。吾不欲行。便不行。蔣怫然曰。獨不容參事參一議耶。遂辭官南歸。

蔣見前。

楊泗州。爲政事堂左丞。集朝官爲文酒之會。客有求薦爲肅政史者。楊正色曰。今夕只可談風月。豈應及官事。客慙退。

楊見前。

吳仲怡。息影津門。袁總統遣使徵之。吳閉戶不納。使者復至。始延入。不俟其啟齒。率爾曰。吾年逾七十。旦夕且死。寧有心依戀利祿耶。使者返報。袁默然久之。吳名重。蘇山東海鹽人。舉人。由部曹外簡河南陳州府知府。移彰德府知府。內擢參丞。晉侍郎。復外簡。

江西巡撫。調河南巡撫。

帝制議興。羣將靡不勸進。獨上海鎮守使鄭子進未置可否。項城憂之。遣陸軍中將萬宗石假南下犒師名。諷示於鄭。鄭曰。僉壬鼓簧謬論。置項城於危地。朝官中不乏賢哲。奈何無一人建一言者。萬唯唯。

鄭名汝成。直隸靜海人。畢業英國海軍學校。返國後。供職海軍部。歷官至司長。以副將儘先補用。加總兵銜。入民國。任總統府侍從武官。外簡上海鎮守使。晉授彰威將軍。仍管使事。某日赴日領事館。祝日皇壽誕。中塗爲人鎗擊而死。萬名德。曾湖北潛江人。日本士官學校畢業。累官陸軍中將。將軍府參軍。

李培之太夫人八十初度。將大舉稱觴。其屬下璩公節力尼之。不從。羣僚連銜獻珍寶。璩不與。以示決絕。李恚而詰之。璩然曰。合則留。不合則去。遂掛冠歸。李名厚基。江蘇銅山人。初以營弁隸李文忠部下。旋入北洋武備學校。既卒業。歷官至統領。入民國。由團長擢師長。授福建護軍使。晉健武將軍。督理福建軍務。改督軍。兼省長。璩名珩。安徽桐城人。舉人。授湖北荊州府通判。民國任福建政務廳長。兼督軍公署秘書長。

王聘卿抱恙。袁雲臺往視之。趨前下拜。王略一舉手。雲臺不樂。因問曰。吾非公

屬吏。奈何回禮勿周。王曰：余爲尊公友，論行輩，可答，可不答。君雖高貴，於余無與，余不能失序以取媚。

王名士珍，直隸正定人，北洋武備學校畢業生，由營官累任至統制，加副都統銜，擢江北提督。丁艱乞退。雷震春代之辛亥，項城領袖內閣力薦爲陸軍大臣，國體更易，退歸鄉里。三年起爲陸軍總長，黃陂爲總統，移參謀總長，復辟亂作，被嫌辭職，溥國瑞代位，以和戰問題罷段祺瑞國務總理，任士珍繼之，復乞退。袁名克定，河南項城人，世凱長子也，由農工商部右參議，歷階右丞，辛亥革命軍起，力勸其父倒清室，建民國，追項城爲總統，復愆惡，乃父稱皇帝，在京日，賓客如雲，皆自命贊成君主擁戴項城者。

段合肥雅愛徐又錚。雷朝彥曰：又錚不宜併以重任。段曰：此人有才，不應棄之。雷曰：有才而不軌於正，合肥爲之色變。

段見前。

雷名震春，安徽合肥人，直隸道員，以幹練見稱於袁項城，薦授通永鎮總兵，擢江北提督。

其時戰濤方熾，軍務府勢煊赫，以千金爲饋，濤怒其微薄，疏劾之，革職。項城爲總統，授陸軍中將，繼陸建章爲軍政執法處長，授威威將軍，加上將銜。丁巳復辟，以與謀入圍，旋赦免，鬱鬱以死。

徐名樹，錚，江蘇銅山人，少敏慧，博通經史，畢業日本士官學校。段祺瑞提督江北，充籌備科科長，繼隨段爲兩湖總督秘書長，共和統一政府成立，段任陸軍總長，即薦樹錚爲次長，因案免職，再起任原官。

丙辰段組內閣。薦爲國務院秘書長。又因事免職。仍起爲陸軍總長。八年政府特設西北籌邊使位置之。工古文詞。詩亦雄壯似其人。

丁勛庸。令廣昌弊絕風清。全境肅然。去任之日。箱篋纍纍。旁觀者頗致疑。乃於箱隙探視。始知卽在廣昌購得之隋開皇石金大定碑。及書卷十餘箱。餘無長物。

丁名綸。恩貴州織金人。以知縣指分直隸。歷任廣昌井陘等縣知縣。入民國爲雄縣等縣知事。晉甯任職。

倪洪璣。爲人溫厚。其子佩芳任推事時。有故人以某案未決。入私第出巨金求賄。脫佩芳嚴拒之。欲繫諸囹圄。洪璣聞之曰。處已固。應方正待人。亦宜寬厚。縱之可已。其人慚感去。

倪名政。恒浙江吳興人。

佩芳名人。瑞。畢業浙江法政學校。歷任法曹。以知事分湖南。

雅量

鄭蘇戡。有詩稿一卷。爲陳石遺所塗竄。客竊以獻諸鄭。鄭鄙之。告陳。陳曰。公乃牛奇章。吾則劉夢得。

鄭陳俱見前。  
喻蓋甚當也。

按唐牛奇章文字書被劉夢得竄點殆盡。厥後二人相見。親好如故。相議陳之比。

于晦若溫。和謹厚。與人異趣。久爲卿貳。而草冠布衣。挾詩書數冊。日走十刹海。陶然亭。諸名勝。埋頭吟誦。見者不知其爲朝貴也。

子名式。枚。廣西賀縣人。庚辰翰林。授編修。督廣東學政。工駢體。箋奏尤委曲婉妙。李合肥督直。任慕僚領袖。凡重要公牘。靡不出其手。以勞晉四品京堂。出使歐美。考察政治。還國。授吏部右侍郎。入民國。授參政院參政。未之官。旋卒。

陳彼圃。膺貴州提學。經蜀入黔。沿途多山險。黃昏經某驛。有虎怒吼。山谷震動。從者數人皆戰栗。儼立不能行。陳笑曰。虎固善噓。人未必噓爾。我態度安閒。羣服其膽量。

陳名榮。昌雲南思明人。癸未進士。授編修。膺貴州學政。愛才獎善。士樂歸之。臨行。士有牽其袂不忍去者。政府知其與黔人有深戚。因任爲提學使。丁艱開缺。再起爲山東提學使。

羅奕。按察皖江。某令新指省。循例進謁。趨見其年少麗都。以爲是統袴子。乃將所遞手版。略一展開。即讀之曰。青年多丰采。奈何欲作此小官。青燈黃卷。滋

味萬永。偷能博一衿。而後中舉入翰苑。待職輦下。清高華貴。一旦外放。更可執玉尺以量天下士。視聽鼓十年。憔悴不得一事者。真判若天淵矣。某對曰。卑職倖爲庶吉士。不幸以知縣截取來耳。趙大窘。顏頸俱赤。起立長揖曰。余無識人之鑿。且負失言之愆。君雖不怒。我自懷慙。

趙見前。

某未詳。

楊樹棠。授廣東遂溪令。之官日。途遇盜。將刦其篋。楊神色自若。方朗誦震川集。已而顧盜曰。篋中滿貯書籍。欲取則取去。盜慚遁。

楊名忠嗣。江西德興人。拔貢。以知縣指分廣東。權遂川縣知縣。未幾真除。入民國。爲華僑宣慰使。張振勳秘書長。

陸鳳石。爲侍講時。偶徵服冶遊。爲流氓所辱。恨而絕跡北里。嗣膺兼尹之命。有知其事者。白之曰。羣小今方設肆於城外。宜捕治之。陸笑曰。此過去事。何必小題大做。

陸名潤。江蘇吳縣人。同治甲戌。以一甲第一名及第。授翰林院修撰。累官吏部尚書。文淵閣大學士。弼德院院長。禁烟大臣。書法腴潤。著稱一時。共和成立。退爲宣統師傅。無病而終。

楊杏城。筭津榆鐵路。庚子聯軍環攻津沽。彈丸如雨。几案都碎。楊神色自若。伏案屬書。備言利害。獻之李文忠。文忠以畧袁項城。曰杏城此書一字一珠。

楊食俱見前。

鐵寶臣以陸軍部尙書南下校閱諸鎮。經滬入製造局巡視。見廢鐵堆積。曰如許廢料。盡儲置廢料所。總辦張楚寶對曰。廢鐵可復鑄。卽成新鐵矣。鈇曰。予不啻廢鐵。安得洪爐鍊鑄之。張色變。亟辯曰。職道出語不檢。幸海涵鐵撫其肩曰。楚寶何至是。予無心戲言。非有疑於君也。

鐵名良。滿州人。由兵部郎中累遷至內閣學士。擢授兵部侍郎。與袁世凱同爲練兵大臣。督兵部尙書。新官制成。兵部改爲陸軍部。仍爲尙書。遷江寧將軍。辛亥之變。欲舉兵金陵。知兵單力弱。不能圖勝。遂逃之北京。遜位詔下。挈眷之大連。憤曰。吾將入外國籍。

張名士。珩。安徽合肥人。舉人以道員充江南製造局總辦。擢四品京堂。入民國。任造幣廠監督。駐天津。未幾乞退去。

陳石遺雅好山水。足跡徧上谷。居庸。昌平。泰岱。匡廬。彭蠡。京西之香山。翠微。江上之金焦。北固。鐘山。石鐘。西山。赤壁。漢上之大別。郎官。西湖之南北兩峯。及其

他諸名勝無地不賦詩。無詩不雅切。

陳見前。

丁憲卿嘗夏夜倚槐樹執卷朗誦。天驟雨。迅雷霹靂擊倒一大樹。距離僅數武。他人皆失色。避去。丁神采自如。

丁名振鐸。河南羅山人。辛未翰林。授編修。外簡甘肅涼州府知府。累遷至雲南巡撫。調廣西巡撫。再調山西巡撫。晉雲貴總督。移閩浙總督。因事被職。旋起用以侍郎候補。充刑德院顧問大臣。入民間任審計院院長。

楊時百嗜琴。陳列滿一室。辛亥之變。京師震動。楊方閉戶輯琴。粹自精書。羅瘦公題曰。據梧惠子從吾好。乞食淵明足自娛。送日寧如操縵樂。今年真笑立錐無。山河成壞從公等。門巷荒寒稱老夫。強聒俗人緣底事。手僵不惜萬豪枯。

楊名履湖南寧遠人。舉人。郵傳部主事。

羅見前。

姜翰卿提督畿輔時。偶微行人市。部下一卒方購羊肉。論值口角。毆肆主。傷之。姜見而怒。掌其頰。卒新入伍。不識爲統將。報以拳。正爭門間。一弁過其側。駭呼曰。是大帥也。胡無禮至此。卒乃踉蹌遁。少頃。其管帶縛之至。乞施以刑罰。且自

請處分。姜笑曰。我掌其頰。責其不應滋事也。彼報以拳。不知掌頰者即我也。姑覓其罪。嗣後汝宜嚴誠所部諸弁。不可如此人在外胡鬧。

姜名桂題。安徽毫縣人。出身行伍。積功累官。至淮軍統領。記名提督。宣統初元。授直隸提督。入民國。授陸軍上將。統全軍鎮北通州。己而授熱河都統。年已耄耋。而雄心不衰。共和以來。論將帥之資格。當以桂題首屈一指也。

劉幼丹。晝夜臥書齋。簾榻門半掩。偷兒乘其不備。混入。匿書案背後。須臾。聞鼾聲。移步出。見四壁皆圖書。几案間。僅筆硯水盂各一事。知無物可竊。又不欲遽去。乃將孟置袋中。返身圖逃。劉覺。一躍而起。曰。偷兒且止。賊呆若木鷄。劉從容取原物。予一銀幣。曰。速去。下次不可來。

劉名心源。湖北蒲圻人。翰林院編修。授御史。外簡四川夔州府知府。移成都府。擢廣西按察使。以不爲上官所喜。被劾去。入民國。黃陂以其老成碩望。薦爲湖北民政長。未幾。授湖南巡按使。

楊采南。胸無城府。與人交。肝胆相示。客至。呼侍者。綸茗不應。再呼之。復不應。怡然不爲意。客問曰。貴紀平日豈不執一事耶。楊曰。蠢奴放縱慣。頓忘所役。懈於趨承。嘗甫已。侍者端茗進。笑曰。呼之不應。不呼而來。

楊名士鈞。安徽泗縣人。以同知指分浙江。歷筭稅局。積資至道員。充天津電報局總辦。外任駐小呂宋總領事官。任滿歸國。充湖北督辦總辦。入民國。充北京電報局局長。乞病去。自此杜門不出者十年矣。

王采臣。入蜀。舟過巫峽。遇巨雨疾風。船漸降。漸落。家人及奴隸俱大怖。相對而哭。王從容曰。仰觀天象。浮雲將散。雲散風立。平風平。則浪止。衆爲之稍安。

王名人文。雲南太和人。丙戌翰林。授編修。擢御史。外補陝西知府。累遷至布政使。移四川。護四川總督。督侍郎銜。充西藏幫辦大臣。入民國。被舉爲參議院議員。任四川查辦使。

庚戌辛亥之歲。陳弢菴。鄭蘇戩。胡瘦唐。江叔海。趙堯生。曾剛甫。冒鶴亭。陳石遺。林畏廬。羅癭公等。於京師結詩社。過人日。花朝。寒食。上巳之類。世號爲良辰者。擇一名勝地。挈茶菓餅餌集焉。晚飲於厲齋。若酒樓。分紙爲卽事詩。次集易一地。彙繳前集之詩。互相評騭。其主人輪流爲之。

陳鄭胡俱見前。

江名瀚。福建汀縣人。初爲學部參事。補授河南開歸陳許鄭道。權布政使。民國三年。授四川鹽運使。繼充參政院參政。

趙見前。

曾名習。廣東揭陽人。壬辰翰林。度支部左參議。

部左參議。

冒林羅俱見前。

孫蔭庭。爲皖省長。兼都督。甫下車。遭變亂而退。范鴻仙爲文醜詆之。侍從某武

官憤曰。吾欲執其人。答而問其故。孫笑曰。書生盲論。不足責也。

孫名多森。安徽壽縣人。舉人以道員充直隸農工商務局總辦。授直隸勸業道。入民國。授安徽實業司長。未之官。任中國銀行總裁。旋任參政院參政。外簡安徽民政長兼都督。再任中國銀行總裁。范名光啓。安徽人。

王心齋。在京兆尹任。頗營贓賄。肅政史夏仲膺嚴詞彈劾之。鞠訊得實。將誅步軍統領江朝宗。軍政執法處長陸建章。詣白宮長跪乞赦免。袁總統不允。以密令授江陸堅囑弗洩。翌朝宣布執行。江陸唯唯。既退。讎王於執法處。去其縲絏。王入座。以爲免罪。顏稍舒。宴罷。江以令示王。哭失聲。王閱竟還之。神色恬然。登車赴刑場。江問曰。君有言乎。王低首不答。

王名治馨。京兆人。以道員需次奉天。充巡警局總辦。入民國。爲內務次長。權京兆尹。因賄買知事案。爲肅政史彈劾。夏名壽康。湖北黃岡人。翰林。授編修。民國元年。任湖北內務司長。擢民政長。內調肅政史。晉平政院院長。

蔡子廣。長直隸教育司。項城召入覲。擬令爲教育部長。議定。蔡詣部。商繼任人。總次長俱尚未至。乃入室坐待。已先有二司員在。隨手翻閱報章。甲願乙曰。何

物蔡某。其資望亦堪膺教育總長耶。蔡微笑。而總次長連袂至。二司員退出。聞聽差何人。差知卽所罵者。相顧失色。蔡既受事。二人託故請辭。蔡曰。予資淺躋高位。在當今誠不足異。願自度葑菲。深用媿怍。兩君前言非虛妄。予殊不介懷。切弗內不自安。輕言求去。予居官一日。兩君當相助一日。二司員大慙。唯唯而退。

蔡名儒楷。江西連化人。納粟爲知府。指分直隸。任學務局提調。入民國。爲直隸教育司長。項城任嚴修爲教育總長。嚴不願之。官遂以儒楷代。其位外任山東巡按使。調參政院參政。

李協和。佔湖口。進駐南昌。爲李秀山所攻。軍臨王家埠。相距三十里。報至。諸將皆遁。李策騎出城。意氣安閒。登高瞭望。營壘如林。始飛奔而逸。

李名烈鈞。江西武寧人。初肄業南昌武備學校。繼學于日本士官學校。歸國應試。授職兵科舉人。其師汪瑞蘭。薦于滇督李經羲。得任雲南新軍協統。辛亥屯兵精鄂交界。云將北伐。南昌秩序定。被舉爲江西都督。項城爲總統。正式任命之時。與粵督胡漢民。皖督柏文蔚。湘督譚延闓。並稱國民黨四大都督。嘗聯名通電反對政府。政府不能堪。下令免職。自是癸丑之難。丙辰之難。皆與焉。

王子春。坐鎮武昌。一日乘馬出署。比至轅門。有賣漿者。不及避。致將豆漿撞翻。

賣漿者不知策騎者伊誰肆口謾罵。索償所值。王停轡慰之曰。值幾何。自應賠償。曰。二千文。乃命從弁倍給之。賣漿者叩首稱謝去。

王名占元。山東冠縣人。以營弁積官統領。辛亥。馮國璋率師南下。以占元爲先鋒。克漢陽。立據第一鎮。統制入民國。授陸軍中將。第一師師長。癸丑。與李純共攻韓。授將軍。會繼濟北軍務。其時督軍務者張錫鑾。未抵任。代攝其職。旋真除。丙辰。以督軍兼省長。知政府欲軍民分治。乃薦參謀長何佩錦爲省長。而實權仍操縱如故也。

癸丑上已。梁任公集名流鄭叔進。王志龔。李木齋。顧亞蓮。袁珏生。楊昶谷。姚重光。易寶甫。楊哲子。夏午詒。嚴又陵。陳翼牟等數十人。修禊京師。萬生園。觴詠流傳。不減山陰蘭亭之會。

梁見前。鄭名沅。湖南長沙人。甲午探花。翰林院侍讀。兼南書房行走。入民國。爲總統府秘書。

王見前。

李名盛。江西南九江人。乙丑榜眼。歷官內閣侍讀。充出使日本大臣。任滿歸國。補

授順天府府尹。調山西提學使。民國三年。授參政院參政。六年。任農商總長。顧名瑗。河南祥符

人。翰林院編修。民國初元。趙秉鈞長內務部。薦爲秘書。袁名勵。京兆人。翰林院編修。南書房

行走。鼎革後。爲清廢帝宣統師傅。楊見前。姚名華。貴州息烽人。進士。郵傳部主事。民國

元年被選爲參議院議員。曾充北京高等女子師範學校校長。善繪事。著有菜狗室曲話。易見

前編見前。夏名壽田湖南桂陽人。戊戌榜眼。授編修。民國入公府爲秘書。項城僧位。制謄多其

草擬事。敗列八大罪魁。嚴見前。陳名士廣湖南湘鄉人。交通部主事。擢秘書。著長安夢

小說。言某部秘史甚詳。

吳子玉共曹仲三治軍京洛。曹嘗戎服佩刀。望之凜然。吳有時便衣布履。手執

唐宋人詩吟哦不輟。曹見之曰。是書獃子。

吳名佩。字山東。蓬萊人。以諸生考入北洋武備學校。畢業後。歷官第三鎮統帶。入民國。任爲第三師旅

長。善師長。授孚威將軍。爲人胆大識高。能與士卒共甘苦。曹倚如左右手。凡所建白。皆先徵其意。爾後

行好爲詩。曹名鑑。直隸天津人。初爲賈繼習陸軍。畢業北洋武備學校。隨袁項城練兵。小站累

官第三鎮統制。記名提督。袁項城爲總統。改任爲第三師師長。令拱衛京師。三年授虎威將軍。類率軍

南下攻蜀。攻湘五年。黃陂繼位。以段祺瑞薦。晉上將。授直隸督軍。已而督川。粵湘授四省巡閱使。自請

裁撤。改任直隸豫巡閱使。

辛壬之交。名流聚京國。組織寒山社。爲詩鍾雅集。碎金片玉。咳唾皆馨。若郭春

榆。小麓。父子。楊昧春。杏城。兄弟。陳弢菴。梁節菴。沈愛蒼。袁珏生。秦宥橫。趙芝山。

易實甫。郭侗伯。梁任公。冒鶴亭。趙劍秋。等八十餘人。易實甫曰。十步之內。香草

彌多一山之中。馨桂愈烈。清牢送響。何止一百八下之聲。蓮社題襟。多至六十餘次之集。

郭名曾。廬建閩縣人。由翰林累官至禮部侍郎。入民國。授參政院參政。子名則讓。以翰林佐徐世昌。幕徐專疏薦其賢。授浙江溫處道。入民國。爲國務院秘書。擢秘書長。兼銓叙局局長。楊楊陳梁。

沈袁泰。趙易俱見前。

郭名宗。湖南湘陰人。翰林院編修。以遺員分吉林。授延暉道。擢提學使。

入民國。爲吉林教育司長。擢授巡按使。

趙名椿。年江蘇武進人。以知府指分江西。擢農工商部。

參議。上行走入民國。爲工商部參事。調財政部參事。擢次長。外簡蘇湖關監督。未之任。再任財政次長。

旋授京師稅務監督。調審計院副院長。

徐弢齋。設晚晴簃詩社於公府。入社者有周沈觀。樊山。山。易哭。尸。傳沅叔。鄭叔。進。王書衡。吳士緇。郭小麓。許季湘。傅芷齋等數十人。觴詠不絕。佳句時傳。將使蘭亭絕唱。長在人間。柏梁聯吟。重來臺上。風雅道衰之際。此爲最難得之韻事也。

徐樊易。傅鄭王。吳郭俱見前。

許名齊。浙江杭縣人。舉人。軍機章京。充憲政編查館總務處科員。入民國。爲國務院僉事。轉秘書。擢參議。移內務次長。

傅名嶽。湖北江夏人。舉人。學部七品。

小京官。充憲政編查館總務處科員。入民國。爲統計局參事。擢教育次長。

# 新語林卷四

識 鑒

清道人未達時。武陵余某測其必顯貴。以長女字之。未婚卒。復字以次女。又卒。更字以三女名梅者。既婚數年。逝。清道人感其風義。因自號曰梅癡。終身鰥居。不更娶。

清道人見前。

梁燕孫童年讀於塾。課餘。師對諸生曰。盍各言爾志。一生答曰。弟子他日倘得入翰苑。一磨出守。作良二千石足矣。次及梁。梁曰。大丈夫生天地間。不爲英雄。便當爲流寇。師咋舌久之。退而告其父曰。哲嗣將來名位上可方周。召下亦不讓蕭曹。公宜及時勒抑之。使不入邪途。其父曰。師言過譽矣。但求其能自立。亦大幸也。

梁名士詒廣東順德人。甲午進士。授翰林院庶吉士。改官道員。指分直隸。郵傳部成立。授右參議。兼京漢鐵路局總辦。未三年罷去。袁世凱爲內閣總理。授之樞郵傳部副大臣。未幾。該部大臣楊士琦以和

議問題南下抵滬。卽辭職。梁因得兼攝大臣。入民國爲公府秘書長。繼而以財政次長代部務。兼交通銀行總理。濫發鈔票。以致中交銀行停止兌現。

朝鮮之亂。有貴胃負傷。匿稅司所居。時袁項城方以領事駐韓京。聞變。率兵往。及門。一人持鎗當戶阻之。意氣凜然。袁勒令羣卒使稍退。問其名。乃稅務委員唐少川也。告以故。遂讓入。就之語。大讚賞。立即訂爲昆季。

袁唐俱見前。

岑盛之領袖粵督幕。有相士顧之曰。君異日名位當不在西林下。岑曰。吾安貧賤而不樂富貴。嘗攬鏡自照。周祥審視。自信不能爲大人。實未敢夸神相士。窮甚。

岑見前。

錢念劬初任駐德使館參贊。以不諳西語。得學生陸子欣導引。錢彌憾之。乘間爲欽使言。子欣年少多材。堪膺重任。倘予以一事。俾循序漸進。不出五年。其聲譽當非吾儕所能逮。使然之。立調陸赴歐洲。累官至專使。自列席海牙和平會。詞鋒銳利。西人爭欲望其丰采。果如錢所言。

饒名洵。浙江歸安人。舉人。充出使德國大臣隨員。擢參贊。晉出使和國大臣。入民國。爲參政院參政。

陸名微。浙江蘇州人。初舉業。上海廣方言館。繼舉業。京師同文館。充英德使館隨員。累遷爲駐比使館參贊。陟出使比國大臣。充海牙和平會專使。以建言見重於各國。移駐俄國。大臣辛亥會同駐外各使領銜乞清帝遜位。國人益想望其丰采。遂任外交總長。擢國務總理。未幾下野。起爲外交總長。晉國務卿。復下野。再起爲外交總長。出任歐戰和會專使。

徐菊人。總制東三省。周少樸爲左參贊。錢幹臣爲右參贊。徐偶對二人曰。二君才堪大任。但均不宜膺疆圉。而當預樞密。已而周巡撫黑龍江。錢布政陝西。都無政績。人以是謂徐具知人之鑑。明用才之方。

徐周錢俱見前。

饒宓僧。以鹽大使需次榕城。累歲不得一差。憔悴欲死。提學使姚穉臣見其文詞艷雅。嘆曰。離官中有此才人。吾竟勿及知。真埋歿英雄矣。立傳宓僧。至長揖曰。知君貧困久。爾文才如此。終有嶄露頭角之一日。惟久置閒散。諸長官固不能辭責。余亦應任咎。茲擬屈君授兒女詩書。月致菲脩。君能俯就否。宓僧感泣曰。惟命是從。

饒見前。

姚名文倬。浙江杭縣人。翰林。官福建提學使。

辛亥。革命軍踞武昌。清廷起袁慰廷爲湖廣總督。使率京畿諸鎮南下進勦。樂節菴閱邸抄。長歎曰。慰廷出山。國家從此多事矣。或曰。非袁之聲望才力不足。以平茲大亂。梁曰。此人久蓄異志。必將乘此機會以自取天下。

袁梁俱見前。

朱介人任浙江都督衛隊團長。一日戎服入謁都督湯贛仙。媿媿陳攻江寧之策。湯奇之。嘆曰。吾素以爲子雖習兵事。而文弱如書生。絕無赳赳之態。恐不勝重任。今乃知子固負叔子之才。懷巨源之志者。吾無識人之鑑。竟以卑職相屈。乃諭告師旅。遴選勁卒三千。令委朱爲浙軍援寧總司令。朱既蒞寧。血戰匝月。奏凱而旋。

朱湯俱見前。

周希哲。精西學。康南海使執贛梁任公門下。學習國文。謂希哲天資聰穎。盡心指導。三月必能通曉。任公有難色。及周列絳帳弟子。舉一反三。竟如南海所言。周名希哲。廣東人。留歐大學畢業生。

康梁俱見前。

王晉卿主第三屆知事試驗。搜得一遺卷。閱而奇賞之。置前茅。謂是人必能嶄露頭角。榜揭某詣謝。詢知乃新卒業學生。王曰。子雖未涉歷政事。然富有學識。亦足膺民社。

王名樹榭。直隸新城人。進士。由部曹外簡知府。累官新疆布政使。工古文詞。人民國爲參政院參政。著希獵春秋一書。

蔡松坡既解甲入覲。項城細與之語。奇賞之。退而對徐東海曰。異日國家有事。斯人必建大功。惜非壽者相。未三稔。項城稱帝。舉兵反抗者。實蔡爲之先。初聞報。猶以爲不確。已而切齒頓足曰。余早知其必叛。

蔡見前。

袁容菴易簪時。嗚咽對徐東海曰。予豈願稱帝。但已有人設計攫總統。不得已。冀以強力消弭。孰料竟一敗塗地。然卽無茲事。一二年後難免不紛爭。若輩德不足服衆。才不足應變。斯時舍君其誰。迨徐爲總統。而袁言果驗。

袁徐俱見前。

蔣頰青爲水雲詞人。猶子。工填詞。頰青少時。宿學對詞人曰。令姪文才高超。會



蘇入民國爲蘇州副監督。移京兆財政廳長。

陳名夔。貴州息烽人。舉人。官四川知縣。累保至

道員。

陳庸。字稱錢銘。伯品端學粹。才大心細。

陳錢俱見前。

錫清。字弼目。王鉄珊志趣正大。謀慮精詳。耿耿血誠。迴絕流俗。

錫見前。

王名瑚。直隸定縣人。翰林院庶吉士。散館。授四川筠廷縣知縣。擢知府。卒。春煊督粵。任

爲訪營統領。旋奏請授欽廉道。所屬某邑盜爲患。令請兵助剿。瑚復電允之。而未發一卒。城陷。令舉家  
殉難。以是獲職。錫良督東。疏薦其才堪大用。復原官。授吉林東南路道。入民國爲直隸雄縣知事。簡授  
湖南民政長。未之官。內授肅政史。再起爲京兆尹。

王病山。與秦晦鳴齊名。守江西撫州。秦守雲南曲靖。人稱王撫州。秦曲靖。

王秦俱見前。

張堅。伯稱梁節菴。文章風節。冠絕流輩。雄詞直氣。不可多得。

張名鳴。岐山東海豐人。舉人。納粟爲同知。入岑春煊幕。累保至道員。卒在蜀督任。專疏薦其才。以道員  
存祀。未幾授廣西太平思順道。超擢布政使。再擢巡撫。三擢兩廣總督。

梁見前。

陳叔伊。道梁任公。世界學問無所不容。心血何止多人數斗。

陳榮俱見前。

柯巽盒爲贛撫。寵信丁少蘭。汪頡荀嘗對羣僚曰。是二人乃吾左右手。時丁年甫逾三十。汪二十有七。洪都官場稱小丁小汪。

柯見前。

丁名乃揭浙江吳興人。由知府保升道員。擢授兩廣鹽運使。晉順天府府尹。民國歷任

兩廣長蘆鹽運使。

汪名鑾。安徽盱眙人。由舉人納資爲知府。指分江蘇充海運總辦。保道員。

柯逢時撫贛。調之江西。權九江鹽道。再權按察使。柯移柱任爲巡防軍統領。已而充上海巡警總辦。授

江蘇巡警道。調湖南鹽法長實道。民國元年被命爲江西民政長。爲李烈鈞所拒。二年始抵任。因案褫

職。再起爲參政院參政。

定正平曰。王書衡董綬經。可稱絳樹雙聲。

定名成。滿州人。癸未進士。入翰林。累官至大理院正卿。

王見前。

董名康。江蘇武進人。進

士官大理院推事。擢刑科推丞。入民國爲大理院長。移司法總長。

周駒之以部郎入浙。查辦滬杭甬路橋工。秉公無私。總理湯贊仙以文報部曰。

周郎中識窮兩戒。清絕一塵。

周名嵩。浙江紹興人。舉人。以內閣中書久居江北幕府。歷任漕運總督。江淮巡撫。咸倚重之。劉永慶

王士珍先後爲江北提督。尤器其才。王專疏保其才堪大用。擢侍讀。授郵傳部郎中。掌路政司。入民國。

爲江西督軍公署秘書長。以道尹存記。內調統率辦事處秘書。李純移督江蘇。仍任秘書長。李屢薦其才堪勝省長任。未幾簡放。授浦口商埠辦辦。湯見前。

陳漢元。宋漁父。偕遊岳麓。宋以句示陳。云陳龍豪氣。今猶在百尺樓頭。一漢元。

陳宋俱見前。

徐錫丞。係楊士驤士琦之甥。陳簡持撫鷄林。於司道中最賞錫丞。謂其才氣言辯。酷肖其兩舅。

徐名鼎。康江蘇嘉定人。以蔭生爲道員。指分北洋。歷憲要差。授吉林勸業道。陟度支使。遷民政使。入民國任吉林內務司長。攝民政長。內調政治會議議員。外任安慶道尹。陳見前。

袁項城。稱陳二安。廉明果毅。相逢恨晚。

袁陳俱見前。

陳逸菴。年逾弱冠。穎悟非常。詣揚泗州。泗州與語。大賞之。曰。吾外家今雖衰落。子當能承先人之緒。望努力自愛。陳未達而喪。

陳名潛。江西黎川人。北洋法政專門學校。商業科高材生。歷供職中國銀行。殖邊銀行。內行敦篤。每公退。嘗手佛經一篇。自修臨歿。呼弟妹至前。曰。吾登極樂世界矣。

共和初創。舉國之人有言曰。雄才大略袁世凱。良才碩望黎元洪。  
袁黎俱見前。

馮河間稱李秀山。縝密安雅。王子春。明敏和慎。陳秀峰。端謹周詳。

馮名國璋。直隸河間人。以諸生畢業北洋武備學校。充淮軍教練官。袁世凱練兵小站。任爲營帶。續統領保以遺員用。充參謀處總辦。越授副都院。晉授軍諮使。民國元年。爲直隸都督。二年。移江蘇都督。三年。授宣武上將軍。五年。國會選舉爲副總統。仍兼領江蘇督軍。復辟亂平。黎元洪退位。遂爲代理大總統。八年十二月卒於京師。

李王俱見前。

陳名光。遠京兆武清人。北洋武備學校卒業生。

由營官累任第四旅統制。入民國。授陸軍中將。充第十二師師長。擢江西督軍。仍兼師長。晉上將。

黎黃陂。解湖北都督。入都。居小蓬萊。袁總統見之。曰。褒鄂英姿。獲瞻便坐。楚國善寶。遂見斯人。

黎袁俱見前。

楊杏城。目其姪霽川。雲在水流。識高心達。

楊見前。

霽川名毓璋。安徽泗縣人。年十五。補博士弟子員。納粟爲同知。充日本欽差大臣隨員。

以積勞保知府。指分浙江。歷任各局所總辦。已而以道員充東三省鹽務總辦。徐東海。窰郵傳部。調任爲天津電報局總辦。入民國。以原職兼電話局局長。調天津中國銀行行長。張心湛。長皖。薦其才堪大。

用以簡任職交國務院存記。

黎黃陂稱徐東海。海之量。砥柱之才。氣概不可一世。

黎徐俱見前。

梁崑生長交通部。楊左丞薦周虎如堪勝秘書僉事之任。周固郵傳部舊吏。諳知郵電路航四政之利弊。見梁侃侃而談。梁大激賞之。適漢粵川鐵路會辦擬簡員接替。梁徵其同意。周曰。年邁資淺。弗克肩茲重任。梁笑曰。馬弁可作將軍。司書可作省長。君富才藻。獨不能作會辦耶。周唯唯稱謝而退。

梁名敦彥。廣東順德人。由部曹累官至外務部右侍郎。轉左侍郎。權尙書。入民國爲交通總長。楊見前。

周名炳蔚。廣西人。癸未舉人。以知府充京奉鐵路局文案。盛宣懷爲郵傳部尙書。調權郎。中華民國三年任漢粵川鐵路會辦。五年裁缺。

張紹軒人京。覲見袁總統。召入居仁堂。共討論大政。張於國計民生侃侃而談。袁擊節歎曰。血性男兒。血性男兒。

張袁俱見前。

任震廷才華卓越。張今頗嘗薦於總統曰。內則置之樞垣。有補闕拾遺之效。外

則俾以疆寄收福國利民之功。

任名耀。浙江紹興人。起家幕僚。累保至道員。廷杰趙爾巽奇賞之。趙信之尤篤。督四川。督東三省。要疏無不出其手。授直隸提法使。入民國。隨張錫鑾於直隸。奉天。任督署秘書長。授奉天政務廳長。

張見前。

康長素曰。梁任公。高峙嶽立。國之棟樑。

康梁俱見前。

客有問於袁項城曰。總統輔弼人物。誰最信。誰最才。袁曰。予最親信者。有九才。人十策。士十五大將。徐菊人。雄才。楊杏城。逸才。嚴範孫。良才。趙智菴。奇才。張季直。傑才。孫慕韓。萬才。阮斗瞻。清才。周輯之。長才。梁燕孫。敏才。楊哲子。善辭。王一堂。善謀。張仲仁。善斷。曹潤田。善計。陸潤生。善策。章仲和。善治。汪袁甫。善政。金伯屏。善文。顧巨六。善道。施鶴鶴。善事。福將。王聘卿。主將。馮華甫。重將。段芝泉。儒將。張金波。老將。張子志。猛將。張紹軒。守將。田煥庭。勇將。曹仲三。大將。倪丹忱。戰將。段香巖。健將。雷朝彥。勝將。陸朗齋。強將。江宇澄。驍將。田韞山。武將。陳二菴。文武諸材。雖稱譽不無逾量。而評品尙屬確當。項城眼光固自不凡。

徐錫麟趙張孫阮周梁楊俱見前。

王名棧唐安徽合肥人進士授主事留日士官學校畢業改

官議員徐世昌督東三省。天薦充督練公所總參議入民國充陸軍中將組織政黨曰統一黨

自爲黨魁已而被選爲參議院議員。迨統一合併進步黨與張謇等同被推爲理事國會解散。應充教

諭會議憲法會議議員參政院參政外任吉林巡按使未幾罷去任內務總長兼市政督辦。

見前。曹名汝雲江蘇上海人留學日本法政大學以舉人官外務部主事遷員外郎擢郎中歷

參丞爾至侍郎時管部務者爲奕劻那桐深信之故尙書中勳梁敦彥都嘉來輩皆無權朝官側目入

民國初爲律師於京師已而被選爲參議院議員甲寅日本提出二十一條向我國交涉政府以其熱

語外交且善交通日本任爲外交次長與總長陸徵祥與日公使逐日談判結果殊不善人民爭習之

罷去再起爲外交總長兼交通總長。陸名宗與浙江海寧人舉人留日本習法政以郎中留日

政黨充調查日本憲政大臣隨員還國任憲政編查館幫提調等職擢四品京堂督辦東三省鹽政新

官制公希授內閣印鑄局局長權度支部副大臣入民國任公府顧問被舉爲參議院議員未幾特任

全權駐日本公使辭職歸國任龍烟煤礦督辦與日人共資組織匯業銀行被推爲總裁政府以其素

有理財名任爲幣制局總裁一人兼三職。月入逾二千。嫉者劾之遂辭幣制總裁職。

章名宗祥浙江吳興人留學日本法政大學授民政部主事歷階員外郎擢內城巡警總廳丞旋開缺

以四品京堂充憲政編查館提調已而授法制院院使入民國爲大理院院長移司法總長歷兼教農

商總長出任日本公使。注見前。金名邦平安徽縣人留日習法政廷試列最優等第

一名授翰林院檢討。俗呼之曰洋狀元。袁世凱督北洋，便參與外交。楊士驥繼督，以其爲鄉人，且通達法理，尤器重之。迨袁爲總統，任爲公府秘書。政事堂成立，授參議。未幾，移農商次長。帝制消滅，辭官之。還創設工業專門學校，自任校長。對人曰：從茲不問政事矣。顧名驚四川廣安人。拔貢朝考一等。授七品小京官。留學日本習法政。歸國任內城巡警總廳會事。記名以知府用。入民國爲內務部參事。擢法制局局長。項城稱帝，贊助甚力。施名愚四川涪縣人。進士授翰林院編修。留日本習法政。歸國充憲政編查館科員。入民國以孫寶琦薦任公府秘書。旋授法制局局長。歷任政治會議議員。約法會議副議長。授參政院參政。王馮段張俱見前。張名懷芝山東歷城人。起家行伍。累官至天津鎮總兵。記名提督。入民國袁項城屢勸其出仕，堅持不出。袁仍敦促不已。遂起爲秦武將軍。督理山東軍務。改督軍兼省長。旋內調參謀總長。田名文烈湖北漢陽人。畢業北洋武備學校。納粟爲道員。指分直隸任新軍統領。擢陸軍副大臣。入民國爲陸軍次長。任山東民政長。移河南民政長。兼都督。已而改巡按使。以督俸趙倂。旋內調農商總長。移內務總長。曹見前。倪名嗣冲安徽阜陽人。由佐貳歷保至道員。充北洋營務處總辦。徐世昌督東。項城薦之。同往授黑龍江民政使。因案革職。再起授河南布政使。會辦軍務。旋授皖北鎮守使。擢安徽都督。兼長江巡閱使。段名芝貴安徽合肥人。以道員充天津南段巡警總辦。以女優進員。子載振。突實布政使銜。署黑龍江巡撫。朝野譁然。臺諫交章彈劾。立撤銜開缺。仍以道員用。擢陸軍統制。入民國授陸軍上將。任湖北都督。調鎮安上將軍。督理奉天軍務。乞病去。再起爲陸軍總長。雷見前。江名朝宗安徽旌

德人。歷官總兵。邗統。入民國。爲步軍統領。六年。黃陂下令解散國會。代國務總理。因總理伍廷芳。堅不副署。依法非經內閣副署。不能認爲有效。時他人不敢肩此重任。獨江願之。遂以之暫代總理。江毅然副署。而國會解散矣。旋解步軍統領。授將軍。

陸見前。

田名中。玉直隸。臨榆人。畢業北洋

武備學校。歷任廣東新軍協統。江蘇混成協統。奉天督練公所總參議。民國授陸軍中將。兩任袁州鎮守使。遷陸軍次長。外簡察哈爾都統。擢吉林督軍。未之任。授山東督軍。

孫少候。卸皖督。自請入覲。袁總統許之。既抵京。袁屏去左右。與之語。旋對其兄多森曰。令弟毓筠。才長識高。學優言辯。寵辱不驚。自期甚遠。洵爲後進之秀。

孫名毓筠。安徽壽縣人。爲諸生。頗不得志。遂遊日本習法政。結識孫黃。投入同盟會。既返國。納資爲道員。指分江蘇。意在乘機圖大舉。爲江督端方探悉。立繫諸獄。以其係大學士家。雖從孫。乃電告毓筠謀反狀。家難復電。謂如果實有其事。請正典刑。若爲無稽之談。尙望詳加考察。端方大恐。既其詞。信以爲或有意欲縱毓筠。乃釋之。辛亥起兵。皖北被擧。爲安徽都督。在任未一年。乞退去。應參議院議員之選。國會解散。項城創約法會議。修改臨時約法。任毓筠爲議長。已而授參政院參政。帝制議興。毓筠爲籌安會發起人之一。

## 品藻

徐菊人初與袁慰廷相見。二人都少年。袁對徐曰。吾可方古何如人。徐曰。諸葛

亮。袁曰。何敢高比武侯。且曰。公他日功業名望。當不在謝安王導下。徐曰。安石夷甫何如。人以沙石比珠玉。令人汗顏。

徐袁俱見前。

趙次珊督蜀。於羣吏少所許可。獨稱趙介菴忠義之氣。至老不衰。

趙見前。

趙名藩。雲南劍川人。舉人以道員指分四川。授川南永寧道。權布政使。入民國。被舉爲

衆議院議員。

張堅伯道岑西林。操切無容。是其短。嚴厲無私。是其長。

張岑俱見前。

伍秩庸。唐少川。相與議論外交人才。不能定甲乙。施植之據言曰。陸子欣。梁孟亭。有治外才。宜長爲駐使。梁巖生。劉芷升。富治內才。宜久居朝官。

伍唐俱見前。

施名肇。浙江杭縣人。畢業美國大學。以道員指分直隸。授濱江道。調外務部左

參議。權右丞。入民國。爲交通總長。乞退。去未幾。授駐美公使。陸見前。

梁名如。浩。廣東香山人。由

部曹外簡蘇松太道。權外務部左參議。充東三省總督左參贊。入民國。爲外交總長。未三月。棄職。

梁見前。

劉名式。調上海南關人。方言學堂畢業生。以主事供職外務部。充駐德國使館隨員。

擢參贊。旋授四品京堂。任駐法欽差大臣。入民國。兩度爲外交次長。

王聘卿。段芝泉。馮華甫。爲北洋三大將。並有盛名。世稱王龍。段虎。馮狗。

王段馮俱見前。

章太炎稱宋鈍初。堪爲宰輔。其智略有餘。而小心謹慎。雖未及子房文終。亦伯仲於房杜。

章宋俱見前。

藍子彥稱宋芸子。志大而才疏。言辯而行拙。學博而運蹇。心孤而遇苦。

藍名光策。四川資陽人。舉人以知縣。指分江蘇。歷官沐陽。泗陽。縣知縣。入民國。爲青浦。崑山。泗陽。縣知事。

熊秉三。解熱河都統。入都覲見。項城曰。決以君領袖內閣。各部長。吾意中亦復有人。君願與之共治國事否。熊對曰。若輩才固佳。乃第二流角色耳。袁曰。第一流爲誰。熊曰。汪大燮。張謇。梁啟超等是。閣成。袁笑曰。此第一流內閣。

熊名希齡。湖南鳳凰人。乙未進士。授庶吉士。戊戌預議。議革政治。事敗。革職。永不叙用。未幾。復原官。改官道員。指分江南。晉四品卿銜。充東三省財政正監理官。鄂督瑞澂薦其賢。授湖北交涉使。未之。官移。

奉天鹽運使。入民國。爲財政總長。既罷去。起爲熱河都統。擢任國務總理。解組後。充煤油督辦。服務督辦。

袁項城問陸子欣曰。君何如梁崧生。陸曰。諳習內政。思致深遠。吾媿莫如崧生。論國際利害。外交得失。自信過之。

陸梁俱見前。

蔡鶴卿與汪精衛共語。汪問曰。君在昔爲名太史。於今爲教育家。世以蔡汪並列。自慙形穢。蔡曰。敝厯利祿。吾與子固志同道合。論學術精力。吾不如遠矣。

蔡名元培。浙江紹興人。庚寅翰林。授編修。以主張革命。遂久不之官。學於柏林。入民國爲教育總長。旋任北京大學校長。著書甚富。

汪見前。

袁項城引武侯語以評楊杏城曰。淡泊以明志。寧靜以致遠。

袁楊俱見前。

王益吾曰。譚組安以貴介而爲疆吏。平日意氣深。而閱歷淺。近賤少。而近貴多。故行政用人。有善有不善。

王見前。

譚名延闓。湖南茶陵人。甲辰翰林。授編修。入民國。爲湖南都督。兼民政長。未幾罷去。再

起爲督軍兼省長。復罷去。專任省長。未之官。工書。宵翁常熟。

汪精衛抵都。項城召見之。寵以殊禮。退語其子克定曰。共和功人。有鹵莽者。有激烈者。有蠱疏者。如精衛之氣度。爽朗。功成不居。彼黨中一人而已。

汪見前。

梁節菴論陳弢菴之詩。謂古奧不減樊增祥。而無其香豔。典雅勝於易順鼎。而無其滑稽。

梁陳俱見前。

駐華英使朱爾典與袁項城雅相契。一日訪袁於私邸。問外交人才。袁曰。鄒紫東。李木齋。李柳溪。孫慕韓。汪伯唐。錢念劬。或起家詞館。或出身孝廉。或嗣承爵蔭。雖都嘗持節海外。然非折衝樽俎之才。唐少川。伍秩庸。李伯行。梁巖生。陸子欣。胡馨吾。曹潤田。高子益。輩學通專門。語擅東西。且嫻習列邦政象。民情。居內固遊刃有餘。使外亦迎刃而解。

鄒名嘉來。江蘇吳縣人。丙戌翰林。由部曹積官。外務部右侍郎。轉左侍郎。擢尙書。李李孫俱見前。

汪名大燮。浙江杭縣人。舉人。由部曹積官。至郵傳部左侍郎。一度任出使日本大臣。入民國。歷任教

齊總長。平政院長。參政院副院長。

錢唐伍俱見前。

李名經。方安徽合肥人。李鴻章之長

子。舉人。納貢爲道員。擢四品京堂。充俄使館參贊。乃父使歐美。亦薦之爲參贊。陟出使英國大臣。歸國授郵傳部左侍郎。

梁陸俱見前。

胡名維德。浙江吳興人。舉人。以內閣中書用。積官道員。

擢五品京堂。充駐英使館參贊。陟德英大臣。復歷任俄法日本諸國大臣。內調外務部右侍郎。擢尙書。入民國。權外交總長。移稅務督辦。外簡駐法公使。移日本公使。

曹高俱見前。

于晦。若謂楊杏城能言不多言。曹必有中。嚴範孫能言。曹之不息言亦多中。而其曹初不以不中而止。

于楊嚴俱見前。

馮華甫督畿輔。以雄縣缺出。欲物色上材爲知事。有薦王鉄珊者。曰。王瑚。勤儉樸實。治行夙著。以之筦劇邑。當不讓龔遂之宰渤海。虞詡之令朝歌。馮曰。割雞焉用牛刀。薦者因請。馮曰。不知鉄珊能屈志百里不。遂致書召之。王至。力辭。衰老不勝任。內務司長劉仲魯起言曰。以公之才德。治直隸一省而有餘。分百分之一。治雄縣足矣。馮領首。遂薦爲雄縣知事。

王馮俱見前。

劉名若。曾直隸鹽山人。乙丑進士。授翰林院編修。擢御史。外任江西九江府知府。

移湖南長州府知府。保道員。晉四品京堂。任大理院少卿。陟修訂法律館大臣。入民國爲直隸內務司長。擢民政長。開缺授參政院參政。

陳筱圃。里居閉戶。不履城市。唐虞慶稱之曰。薑桂之性。松柏之操。歷久彌堅。近世罕覩。徵特南州之冠冕。抑亦東觀之良才。

陳庸俱見前

楊朗川。於其兄星川肖像題七律詩二章。其叔杏城視之曰。此詩俊逸清新。幾無一字無來歷。

楊名毓。秀。安徽泗縣人。山東高等學校畢業生。納粟爲同知。隨美國專使唐紹儀赴華盛頓。以勞保知府。入民國爲漢粵川鐵路督辦秘書長。

徐東海嘗言。黎黃陂德量如曾國藩。曠達如彭玉廳。惜遇事不能當機立斷。

徐黎俱見前

或問王湘綺參政諸人優劣。王曰。楊惺吾有德。有行。李柳溪有言。有量。張季直有爲。有守。趙芝珊有禮。有義。樊雲門有學。有文。楊哲子有才。有謀。餘則非吾所知。

王楊俱見前。李名家駒。廣東人。甲午進士。授編修。歷官內閣學士。出使日本大臣。學鄰右侍郎。資政院總裁。與諮政院議員汪榮寶同被命編纂憲法。民國任參政院參政。張趙樊俱見前。

譚石屏。晉見項城。甫交言。項城即問曰。自古三戶多賢俊。今之宋教仁黃興如何。譚曰。鈍初學識有餘。而才量不足。克強膽大可取。

譚名人風。湖南新化人。以諸生留學日本。習法政。入同盟會。主張革命。平日言論至激烈。民國元年任長江巡閱使。繼而任滇粵川鐵路督辦。

楊樸山。是楊士驤子。鄒紫東見之曰。其聲音笑貌逼肖乃翁。雖豪放稍差而渾厚相似。

楊名鑾。安徽泗縣人。官道員。鄒見前。

魯澄伯。丁佩蒼。同客楊渭叟幕。並有賢聲。魯丁固文士。楊曰。澄伯佩蒼詩詞箋啓皆古雅可誦。佩蒼之聯語尤佳。

魯名堅。浙江餘杭人。官湖北知縣。楊見前。丁名德。威湖南衡陽人。曾習法政。以知縣分浙江歷樞諸暨餘姚縣知縣。入民國。以知事分浙江。

規箴

奕劻宴錫清弼於私邸。被酒放言曰。南北諸省。司道府縣。缺司以蜀粵布政爲最道。以江海江漢東邊。穎鳳爲優。晉未終。錫正色曰。公烏從知之。奕劻微笑不答。錫曰。吾任兼圻十餘年。媿不知何缺肥。何缺瘦。公嘗以明珠薰苴之嫌疑。受贓污狼藉之彈劾。今視斯言。或不誣爲公計。允宜親賢遠佞。絕苞苴。重輿論。偷一意孤行。豈獨誤國。且足殺身。奕劻色赧。不知所對。

奕劻爲滿宗室。初襲貝子。任八旗都統。旋督貝勒。加郡王銜。充總理各國事務大臣。復督封慶親王。庚子和約議成。實奕劻與李鴻章主之。遂爲軍機大臣。領袖兼三月。理外務部事。宣統三年春。新官制頒布。授內閣總理大臣。他無所知。惟稍習繪事。 錫見前。

毛寶君筦江南製造局。見廠外巨木疊積如山。欲解作修船之用。主管者啟曰。此爲製作船桅之料者。無解之之理。毛曰。廢料亦珍視之耶。宜從吾言。速解之。偶以語夫人。夫人太息曰。君誤矣。例如以綢作衣料。衣尙未製。決無碎之以作鞋襪之理。巨木之不應解而修船。其理一也。毛大悟。已莫及矣。

毛名慶蕃。江西新建人。己丑進士。授戶部主事。擢員外郎。改官道員。充江南製造局總辦。未幾授江蘇

提學使。擢甘肅布政使。攝陝甘總督。以事爲載澤所劾罷官。非其罪也。入民國。授參政院參政。堅臥不起。

岑西林爲郵傳部尙書。鄭蘇戡遣以書云。今處羣貴之間。當先籠絡人心。不可如居外之激烈。岑復減曰。敢不書紳。

岑鄭俱見前。

辛亥陽夏之役。馮河間督師漢皋。李秀山以第六鎮協統隨征。一戰而下漢陽。河間主大舉直搗武昌。秀山泣諫曰。滿清無道。釀茲巨禍。今天下人心。靡不以倒清爲職志。即項城或亦不欲保清。且止戈觀變。乞項城示進止。河間曰。善哉。子之策。

馮李俱見前。

汪頴荀被命爲江西省長。以有人排擠。未克之官。越半稔。而時局變易。無復及之者。乃得之任。頻行。楊泗州對汪曰。李秀山以全力驅逐韓軍。勢不可侮。君此去。宜和衷共濟。非然者。旦夕且敗矣。汪唯唯。既受事。出入大陳兵衛。竊信僉壬。羣起而攻之。遂褫職。泗州偶對其猶子士元曰。乃叔不信吾言。今果敗矣。士元

唯唯。

汪楊俱見前。

士元字開叔。汪瑞皋之子。甲午進士。以知縣即用。累保至道員。佐楊士驥幕。一度

權長蘆鹽運使。入民國爲河南國稅廳籌備處長。繼爲直隸財政廳長。權財政次長。

章太炎告新聞記者曰。諸君當不務諂媚。不造誇辭。正色端容。以存天下之直道。諸人同聲曰。良箴是式。

章見前。

趙智菴與某交善。趙歿。某輒向人議論其短長。其子阜聞之不懌。曰。昔日公與先君情如廉藺。今骸骨未寒。乃出此惡聲。竊爲長者不取。某面赤耳熱。不能置一詞。

趙見前。

子阜。肄業南洋陸軍隨營學校。

某未詳。

袁項城稱帝。不悟爲其子克定所愚弄。親信要人亦多朦蔽。無以真情上達者。一日袁在居仁堂接見陸軍總長段祺瑞。極香舉國人民勸進之熱誠。段冷笑曰。帝制乃人民所疾。首痛心。必不容其發現者。勸進之文。皆奸人捏造。混淆觀

聽總統倫不及早覺悟。噓臍晚矣。袁曰。民意真偽且弗論。君於意云何。段曰。廿年恩義。詎忍喪於一旦。固知無不言。亦言無不盡。不忍見總統爲眼前罪人。乞宸衷獨斷。毅然取消。袁傾耳側目以聽之。似不悅。未三日。令罷祺瑞職。

袁段俱見前。

徐班侯。豪於飲。一舉十觴。面不易容。諸子嘗婉求弗逾量。一夕。徐連舉數十觴。酣醉。擲壺於地。曰。戒酒。自今宵始。諸子大樂。未幾。飲如故。

徐見前。

袁慰廷。稱皇帝。改元洪憲。爵封內外百官。康南海箴之曰。公在先朝爲重臣。倒清建共和。自爲元首。人猶有諒之者。今竟自爲帝。是不忠。公先人在日。知舊有異志。嘗誠不可存。非分之念。今竟自爲帝。是不孝。公對往日。同僚誓誓。既爲總統。夙願已償。決無他志。今竟自爲帝。是不義。人民憔悴於虐政。膏血已盡。公方吸取財帛。以籌辦大典。是不仁。

袁康俱見前。

# 新語林卷五

捷悟

徐花農工詩詞十分鐘可填詞一闋。一點鐘能爲七言詩八章。宜興朱琇甫見之。橋舌不下。

徐名瑛。浙江杭縣人。口口口翰林。授編修。歷贊善。庶子。陟少正詹事。擢內閣學士。外任廣東學政。還朝。晉兵部右侍郎。有御史劾其在學政任內。袒裼裸裎。共督撫聽戲。遂落職。已而授三品京堂。著述甚富。朱名寶。江蘇宜興人。戊戌翰林。授編修。林紹年撫豫。奏調充河南高等學校監督。記名以道府用。

陳散原赴友宴會。席間召妓天香閣。乞爲撰一聯。陳援筆立題曰。天壤有情終負爾。香塵揚海渺愁予。以眎諸客。四座驚賞。

陳見前。

近人賦詩之速者。當推樊樊山。陳伯嚴。易實甫。趙堯生。詩格各不相同。其速則同。伯嚴遇讌集於一小時。以七律徧眎坐客。堯生與人聯句。占句獨多。

樊陳易趙俱見前。

袁慰廷督北洋。擁兵八鎮。政府懼其權重不易制。欲削其兵柄。又慮諸鎮將解體。遣陸軍部尙書鈇寶臣力譜之。乃徵示以意。慰廷知機。疏請解除練兵之任。薦鐵自代。政府覽疏大喜。詔准之。未幾召入樞府。

袁鐵俱見前。

黎宋卿坐鎮江漢。繫天下重望。東南諸大將咸傾心嚮之。項城大恐。召其心腹饒宓僧入京。佯曰。微聞黃陂行將退隱。有諸饒對曰。黃陂雖僂勤。當不至遽去。項城曰。國步方艱。余決不能聽其肥遯。自甘去則同去。隱則偕隱。宓僧既南歸。密稟黃陂曰。項城懼公號召天下。不利於己。嘗外有迫公自退意。公宜趁此時會。曹息重肩。不然禍且不測。黃陂曰。子誠機悟。知權奸之用計。

黎饒俱見前。

楊樹堂素懼閻威。嘗納二妾。一妾氣餒頗盛。及見嫡。各不相下。楊不敢左右袒。一日以事互齟齬。楊怒而出。意頗右。夫人妾大恚。追至客廳。連披其頰。適有客入。見妾見客。慚遁。客以窺見。隱私方。踧踖無措。楊怡然笑對客曰。驕縱慣。惡作。

劇至此。真頑皮也。客乃渙然冰釋。

楊名善。德安。安徽懷寧人。畢業北洋武備學校。爲小站軍官。累擢至浙江混成協協統。乞病去。入民國。授陸軍中將。任陸軍第四師師長。授松江鎮守使。擢克威將軍。淞滬護軍使。晉上將。爲浙江督軍。

項城命馮華甫兼領參謀部。屬人京一行。令下之翌日。華甫將電告北上期。其夫人周道如止之曰。項城以此爲餌。俟君入都。必藉端留君主部事。而易他人督江表。爲君計。宜辭部長。危詞聳項城。謂不可一日離金陵。離則必生變。一身不足惜。如大局何。華甫頓悟曰。初不知賢內機警如此。

馮見前。

夏午詒文思敏捷。嘗爲總統府內史。項城以帝制不容於國民。乃欲下罪己令。傳午詒入內。面授意旨。午詒即執筆爲之。項城語已俄頃。而文就。

夏見前。

王一堂抵吉林。巡按使任。前任孟秉初宴於署中。酒酣。出聯屬對曰。湖北兩段。奉天兩張。吉林兩孟。將軍巡按兩相當。文武同城復同姓。王率爾對曰。湘鄉一會合肥。一李中州。一袁王道。聖功一以貫。英雄有守更有爲。

王見前。按當時任湖北將軍爲段芝貴。巡按使爲段書雲。奉天將軍爲張錫鑾。巡按使爲張元奇。吉林將軍爲孟恩遠。巡按使爲孟憲彝。

夙慧

張仲仁。年七歲。能爲聯語。十一歲。斐然成章。十三歲。中副車。有神童之目。

張見前。

范誠。齋幼就傳讀書。目數行下。以修脯不給。備值當其半。故課餘猶須執館中洒掃炊爨之役。而所得倍於他人。年十七。經史大義已朗然。

范見前。

王湘綺。九歲。能詩文。操筆立就。長老驚曰。此吾家麒麟。

王見前。

李文石。五歲。能作壁窠書。九歲。能屬文。十三歲。畢羣經。一時通人老學。歛手驚服。

李名葆恂。直隸易州人。由知縣累保至道員。指分直隸。一時疆史如張之洞。端方。爭羅致之。學問淵博。所著有藝節集一卷。讀畫詩二卷。燃犀錄十卷。狂菴文略二卷。偶園讀書志二卷。衡學广筆記一卷。庚

癸小草一卷。紅羅山館遺詩一卷。三島翠巖遺題跋四卷。

袁容菴。穎悟過人。七歲侍父宦魯。其師導遊大明湖。入鐵公祠。從師問鐵公事蹟。師略語之。袁曰。是或未詳。盡師乃述其顛末。袁睹象流涕太息。不忍去。師大奇之。

袁見前。

林琴南。嘗拈兩空二字爲詩鐘。限六唱。所親某之子年十一。能詩詞。見之曰。吾能爲。林曰。子且試爲之。童子略沉吟。即提筆疾書云。不住猿聲啼兩岸。但聞人語響空山。林大驚爲之擱筆。

林見前。

宋芸子。八歲能詩。落筆雅潔。見者不知爲童稚之作。

宋見前。

江希張。甫五齡。博通經史。著孔子發微諸書。每談人休咎。罔不奇中。羣呼爲小神仙。

江名希張。山東人。楊士驥孫寶琦先後任魯撫。耳其名。召而面試之。江對答如流。有神童之目。民國六

年馮國璋代總統特召見之。聘爲公府諮議。

易實甫甫三齡。讀三字經。朗朗上口。五歲能作對。其父佩紳以鷄鳴使對。實甫曰。犬吠。父曰。犬吠再對之。實甫曰。猿啼。曰。猿啼又應作何對。實甫曰。鳳舞。父曰。鳳舞更不可無對。實甫曰。龍翔。佩紳大驚喜曰。是兒異日必賢於吾多矣。

易見前。

丁治平。年七歲。識小學韻語。尤能辨印篆。真贋立判。一日。侍母遊西泠印社。憩息仰賢亭。亭有一額曰。長樂無極。老復丁。治平見之。笑曰。丁復老極矣。可惜無長樂。母聞之不悅。曰。兒年幼。安得作此不詳語。及殤。母哀之。慟爲文五千言。以哭之。曰。屢見錄。纏綿悲惻。不忍卒讀。

丁名理。浙江杭縣人。丁仁之子。

陶煥卿。六歲入塾。讀書過目不忘。博通經史。年十五。即爲塾師。

陶見前。

馮鼎。三年五歲。好解火柴盒。改作輪船。惟妙惟肖。鳥獸之屬。隨手摺成。亦莫不逼真。及長。成飛行大家。實胚胎於此。

馮名如廣東恩平人年十二赴美國紐約學習機器既卒業。雖不通曉。能自出心裁。發明拔水打棉兩種機器。其最出色者。則所製之無線電。能發能收。電碼靈敏。西人咸爭購之。餘詳巧藝門。

張薑齋幼時家赤貧。其母令之習縫紉。薑齋意殊不樂。而又不肯違慈命。入肆未匝月。即辭而出。哭求其母曰。兒不讀書。母寧死。母曰。讀書良佳。願無費。奈何。薑齋曰。毗鄰有一老塾師。從兒請。而憫兒誠意。已允不取脩金矣。母曰。如此甚善。薑齋既入塾。苦學十年。卒成翰林。

張見前。

清宣統帝溥儀。髫齡聰穎。師傅梁鼎芬爲講孟子王立沼上一章。溥儀問曰。王立沼上。應向何方。梁未及答。繼曰。予意惠王當向南立。梁曰。何所依據。曰。南面稱王。理當然耳。

溥儀。醇親王載灃之子。嗣穆宗同治。兼統德宗光緒。即位之年。甫三齡。既遜位。居乾清宮。師傅陳寶琛。陸潤庠。袁勵準。伊克坦。輪流講授。陸歿。梁鼎芬繼之。

高君明年纔七歲。莊重類成人。嘗讀小學韻語。至男女異席。七歲別之二語。其父謂之曰。兒今已七歲矣。正男女異席時也。課畢。出就母適。諸姑姊妹俱在座。

母戲曰。頃間爾父所講者何語。君明卽起離席。肅然改容曰。兒偶忘之。以後不復雜女人中共座矣。

高名塽。江蘇松江人。高夔之子。

豪爽

楊渭叟。豪放好飲酒。嘗曰。酒不可一日不飲。更不可一刻不醉。

楊見前。

陳劍潭。孤寒無恃。客遊南北三十餘年。挾策賣文。干諸侯。抵卿相。喜晉經世。而盈頭雪刺。不名一錢。

陳名澹然。安徽桐城人。舉人。官道員。民國七年。以簡任職分江蘇任用。工文詞。著述甚富。

張紹軒。嘗爲故廣西提督蘇元春從弁。元春畀以巨金。令如滬購辦軍裝。旣至。肆意狎遊。未匝月。揮霍殆盡。有勸之者曰。如是放肆。不急逃。首級不保矣。張曰。此非大丈夫也。遂還桂林。自述不法狀。乞治以軍律。元春奇其才。縱之。

張見前。

吳北山。官刑曹。上書指斥國政。尙侍皆大懼。爭過之。吳歎曰。是莠莠者。乃羈我。

耶。明日拂袖去。浪迹江海。揮金結客爲豪。

吳見前。

乙巳粵西匪亂。左右兩江諸郡縣蹂躪幾徧。政府以岑西林爲將家子。且係桑梓地。遂以桂事屬之。西林即遣部將祖繩武爲前驅。而柳州不守。祖自戕死。西林怒。計擒盜魁陸亞發。梁果周。抉其心肝。以祭祖。注血於甌中。以飲。巡撫柯巽。菴柯薄嘗之。西林立飲而盡。兩粵人咸頌其義氣干雲。

岑柯俱見前。

袁容菴幼時其叔問其所志。容菴對曰。願留芳百世。毋遺臭萬年。

袁見前。

汪精衛黃立人。謀炸清攝政王載灃。事發。俱下獄。審判官問汪曰。同黨共幾人。目的何在。汪曰。此乃一人之計策。並無同謀者。曰。已獲之黃某。非爾之同黨。而同謀者耶。必直言無隱。方可望減等治罪。汪曰。此人與我初識。面烏能共秘密。彼就縛。不知其所作何事也。問官復詢黃。如前語。黃曰。此事不涉他人。是我一人之計。曰。汪某爾識之否。黃曰。其人固識之道。同而不相爲謀。問官不得實。而

證據確鑿。於是判決二人皆爲主犯。永遠監禁。已而并釋之。

汪見前。

黃名樹中廣東人。

沈子培。杜門却掃。擁書自娛。室內積書無空隙。沈日夕仰臥其間。隨手拾覽。對客歎曰。擁萬卷圖書。勝於據萬里長城。

沈見前。

清德宗奉安崇陵。梁節菴素衣往送。縱聲大哭。其時在陵諸遺老。亦無不流涕。惟趙爾巽無淚。奕劻獨後至。亦無戚容。梁正色厲聲數其誤國殃民不忠不敬之罪。奕劻羞慚不敢仰視。沈子封顧梁曰。公言爽直嚴厲。聞者當無異辭。獨不爲奕劻稍存體面耶。梁曰。非傾吐不足張其罪。

梁沈俱見前。

共和初建。袁項城任唐少川爲國務總理。唐舉陳其美爲部長。袁以曹汝霖列國務員。章太炎聞之。電袁曰。京外官僚中。非無清剛曉練之士。何取著名驚國之曹汝霖。發難首功。非無穩健智略之人。何取弄兵潢池之陳其美。袁閱電語。唐曰。共和偉人。當以此公爲最爽直。

袁唐章俱見前。

馮煥章有膂力。喜畋獵。嘗捕得一巨虎。烹與部下共啖之。且啖且笑曰。肉與諸君共食。皮予一人獨寢。

馮名玉。祥安徽舉縣人。以陸軍學生積官統領。入民國。授陸軍中將。充旋長。已而授湘西鎮守使。素信基督。教馭下有方。日挾聖經入營中。對士卒講論不倦。

### 容止

王壬甫。童姿鶴髮。飄飄神仙中人。

王見前。

長壽伯。清臞微鬚。頽然如玉山之屹立。

長見前。

吳昌碩。年逾八十。而頰下濯濯。望之若五十許人。

吳名俊卿。浙江安吉人。以諸生納粟爲縣令。指分江蘇。一度權安東縣知縣。未滿任。乞病去。人問之曰。吾不善作官。不如及早藏拙也。

張子志。目重瞳。手掌奇大。

張見前。

錢銘伯長身鶴立。年七十而步履躡捷如少年。

錢見前。

張今頗長身。赭面眉目聳異。

張見前。

譚石屏短身叢髯。一食能盡十盞。一飲能舉百觴。

譚見前。

陳簡持容貌秀麗。吳子明曰。簡持雖不及衛玠潘岳。自是裴令公一流人物。

陳名昭。常廣東香山人。甲午翰林。授編修。改官道員。加副都統銜。充延吉邊務督辦。未幾擢授吉林巡撫。入民國。授上將銜。爲吉林都督。調廣東民政長。未之任。卒于上海。

翰林散館。授知縣。歷官廣西直隸知縣。累進吉林提法使。入民國。授津海道尹。擢直隸巡按使。能詩。尤好爲詩。鐘著有味。琴軒詩鐘彙存。

吳名灝。雲南保山人。丙子

樊雲門眉宇軒昂。鬚髮未白。望之如四五十許人。而其年已逾古稀。

樊見前。

楊味春襟懷瀟洒。氣度雍容。與人交語。肝胆畢露。

楊見前。

宋芝田善導引之術。年古稀。顏色若嬰兒。

宋名伯。陝西人。翰林授編修。

高白叔八十不蓄鬚。日與羣少年嬉遊。豪于飲。既醉。津津道故事。聲亮如洪鍾。

隔室聞之者曰。其似白叔說話。

高名雲。浙江杭縣人。舉人。內閣中書。工詩。遇宴。好行酒令。思想新奇。四座稱贊。

李梅庵體肥碩。健啖。須臾間能盡蟹三十隻。見者駭異。

李前見。

田驪山形貌駿偉。鬚髯英秀。

田見前。

陳筱石少年時。風姿特秀。及老。而容色不衰。

陳見前。

袁慰廷。軀幹偉碩。髭髯叢密。廣額高額。睛光射人。

袁見前。

朱古微。身材短小。其聲尖亮。如集百鳥齊鳴。其言細密。若經百日沉思。

朱見前。

徐菊人。氣識宏深。精神四溢。作事周密。人呼曰八面琉璃球。

徐見前。

岑雲階。神儀威武。面大耳長。遇夏日。短衣蕉扇。與客茗談。聲震屋瓦。

岑見前。

楊齊城。兩額插髻。雙瞳炯炯。瞻視非常。見者悚然。

楊見前。

丁默存。態度安詳。出入從不車輿。步行爲常。客曰。何自苦。乃爾。默存曰。他人走

路多。便要腳酸。余走路不多。亦要腳酸。

丁見前。

聞老人年一百有三歲。精神步履若少年。嗜酒飲啖逾中人。王海航七秩生日。其子渡乞老人書一壽字。時適酒酣。老人染翰直書。運筆如飛。

聞名椿如浙江嘉興人。

王名誠倍浙江餘杭人。壬寅舉人。居江蘇。提學使樊恭煦幕。子渡。字梅。

伯以諸生充諮議局議員。入民國。被舉爲省議員。一度任昌化縣知事。

周少樸。貌豐神朗。動止嚴重。世有天官之號。城隍之名。

周見前。

段芝泉。狀貌如老儒。鼻傾斜。人嘗戲呼曰。段歪鼻子。

段見前。

孫慕韓。體癯而氣腴。長髯飄飄。置身人叢中。如鷄羣之野鶴。

孫見前。

黎宋卿。局度廓落。嘗短衣裁花。或匹馬試鎗。有人謂其頰下充實。後福不薄。

黎見前。

汪頡荀。丰姿秀美。按察江右。年未三十。輿馬經過巷市。婦女爭前窺其容色。其

時歎曰。陽間生方家居。笑曰。豫章人。又要看煞衛玠矣。

汪見前。

歐陽名霖。江西南昌人。舉人。江南道員。

許萬人。短小精幹。口如懸河。滔滔不絕。

許見前。

楊哲子。形體不逾中人。有口材。一言既出。四座生風。

楊見前。

李碩。眉目清秀。英氣逼人。

李名國珍。江西武寧人。留日。早稻田政治經濟科畢業。歸國後。任豫章法政學校教習。民國爲臨時省議員。臨時參議員。衆議院議員。國會解散。與藍公武偕赴德國遊學。既至。歐戰發生。遂返國。被命爲政事堂參議。遷教育次長。移農商次長。擢水利局總裁。

丁佛言。頎然偉長。紫髯及胸。人呼曰丁大鬚子。

丁見前。

熊秉三。天姿英絕。氣識豪放。望而知爲大器。

熊見前。

顧少川。面白如玉。袁項城初見之。對其婦翁唐紹儀曰。令坦何處人。曰。吳人。袁曰。吳郡不獨女子美。男子亦佳。

顧袁俱見前。

唐冀廣美丰儀。未冠爲軍官。常策騎行通衢。視者爭欲觀其顏色。浮蕩女子尤傾倒備至。幾看煞衛玠。

唐見前。

### 自新

徐保三亡命揚鎮間。殺人越貨。人羣稱之曰老虎。聚衆至數萬。日蠶蠶欲動。當道憂之。謀先發而慮其不易制。會徐黨有往來冠蓋間者。爲巨紳卞氏客。當道授意令說徐。徐聽命。乃謁江督約三事。一赦罪。二賞官。三收其徒使効。用江督如約而見之。大加獎勉。薦爲參將。使統一軍鎮守江淮。

徐名寶山。江蘇江都人。以參將官統領人民國。授陸軍上將。任江蘇第四師師長。被炸彈斃命。嘗曰。生平有三畏。一畏母。二畏妻。三畏師爺。人間之曰。畏吾母者。孝之也。畏吾妻者。愛之也。畏吾師爺者。敬之也。

陸幹卿率徒衆踞粵西諸山。以劫掠爲生。驟悍莫能制。岑雲階督師桂林。遣員與之約。偷願投誠。當畀以重任。陸告來使曰。我爲盜。本非素志。既有爲英雄之機遇。誰不欲舍盜賊而作英雄。爲我語制軍。謂榮廷願改過遷善。將命者歸報。

岑大悅。及相見。岑視陸曰。大好男兒。應爲國家効力。予所望於君者。至重且大。遂授游擊。令率大軍剿匪。所向披靡。亂平。薦授右江鎮總兵。

陸名榮。廷廣西南寧人。由游擊超擢右江鎮總兵。移左江鎮。晉廣西提督。入民國。授陸軍中將。爲廣西都督。已而晉授糧武上將軍。兩廣巡閱使。

馮麟閣。少時不治行檢。嘗在瀋陽間。劫掠商旅。某兵備乞病歸。輜重載數車。中途遇盜。馮指揮黨徒。將所有擇其精者。劫之去。某在後車遙見之。疾呼曰。君神采煥發。亦復行劫耶。馮聞聲異甚。亟詣前致敬曰。小人非樂爲盜。實苦不能自立。某曰。人患不立志。志高亦何憂。不得令名耶。馮大感動。劫物悉還之。即自首。遂成名將。

馮名德。霖奉天人。歷官至統領。人民國。爲第二十八師師長。擢旅長。授陸軍中將。

張雨亭。少爲盜魁。出沒白山黑水間。術士某見之曰。君貴相。他日功業當無量。是曷可久爲也。張領之。自縛乞罪。時增子固知新民府。壯其胆識。繫解至瀋陽。請示大府。將軍趙次珊疑其詐。欲懲以儆衆。營務處總辦張金波力爭曰。其罪

固有應得。既自首。其心必坦白。無他。應玉成。不可瓦碎。將軍乃止。且從金波請授管帶。給兵千人。使馳四境。治匪。張感激涕零。忠勇奮發。兵到匪除。官民交誦。遂擢爲統領。

張名作霖。奉天遼陽人。由管帶擢統領。晉統副。入民國。授陸軍中將。改任第二十七師師長。擢奉天將軍兼巡按使。改任晉軍兼省長。晉上將軍。授東三省巡閱使。 增趙張俱見前。

王旭九集游匪。置軍械。以碭山爲巢穴。四處爲亂。碭山崎嶇險塞。官兵不能登。而其黨則履險如平道。以是相持十餘年。諸官將瞠目相向。無法以擒之。會革命事起。王自請編所部爲國軍。以剿匪防盜。汴督張馨庵據以入告。袁總統嘉其志。授爲陸軍少將。

王名天縱。河南嵩縣人。初授陸軍少將。晉中將。任京師軍警督察長。 張名鎮芳。河南項城人。進士。授戶部主事。捐資爲道員。分北洋。歷任要差。超擢長蘆鹽運使。晉湖南提法使。未之官。仍留原任。辛亥事起。京畿震動。直隸總督陳夔龍乞退。項城方任內閣總理。徵楊士琦繼任。楊力辭。復徵吳重熹。吳亦不就。遂超擢鎮芳。樞直督。兼北洋大臣。入民國。授河南都督。以剿匪無功。權職查辦。旋任參政院參政。